



21631

kat.komp.

Gieski.



Mag. St. Dr.

P

*Biechanowski Stanisł. Jos. Hecatombae
vnto regali sacra*

PANEG. et VITAE

Polon. Fol.

№ 1265.

Biblioteka Jagiellońska



stdr0002760

HECATOMBÆA
SCVTO REGALI
S. A. C. R. A.

Ad Augustissimam Coronationem,
Serenissimi, & Potentissimi
Principis, ac Domini,

IOANNIS III.

DEI GRATIA
POLONIARVM REGIS,

Magni DVCIS Lithuanix,
Ruffix, Pruffix, Mazouix, Samogitix, Liwon:
Smolenscix, Kijouix, Volhynix, Podolix,
Podlachix, Czerniechouixq; &c. &c.

Domini, Domini Clementissimi,

*Ex immortalum gestorum, & Victoriarum eius
incomparabili gloriâ,*

*Inter triumphales Orbis POLONI applausus,
publicæ letitiæ, & auspiciatissimi ominis ergò,*

A

M. STANISLAO IOSEPHO BIEZANOWSKI Leopold:

In Alma VNIVERSITATE Cracouiensi,

Philosophix Doctore, Collega Minore, Ordinario Poëseos Professore,

Panegyrico applausu

DEDVCTA.

Anno Salutis 1676. Die 2, Mensis Februarij.

C R A C O V I Æ,

Typis VNIVERSITATIS, Impensis Nouoduorfcianis.

Argiuo CLYPEO dignus, dicitur ex parcemia, vt Zenobius
Scribit, de eo; qui eximiâ ob generositatem veneratione
sit dignus. *Calius Rhodigin: Lection: Antiqu: Libro 21.
Caput XIII.*

Hecatombæa, apud Argos festa certamina, celebrari solita; in
quibus Vincenti, æneum contribuebatur scutum. *Idem ibidem.*



21.631 III

Regalis clypeus, nullâ quod imagine sculptus
Cernitur, humanam respuit ille manum;
Praxiteles illi nullus, Phidiasq;, Mironq;,
Par illi Tuus est, nec Polyclete labor;
Dicere non potuit nisi calica lingua IOANNEM;
Hic solus sculpet, Regia facta DEVS.

HECATOMBÆA

SCVTO REGALI

S A C R A,

AVGVSTORVM ad ELECTIONEM

REGIAM OPERVM,

PANEGYRIM PRIMAM

COMPLEXA.



N A iestatem imperij, quam auspicaris, Regum Inuictissime; & fulgur istud purpuræ Tuæ, quod fortunam perstringit, inuidiam absorbet; cum in throno iam, paludamentoque Tuo Regali explicas; omnium præcordijs, amore publico propè inuisceratus, solis ingenijs formidandus appares. Excessus quippe magnitudinis Tuæ, oculis intuentium, fastigio suo iam olim ereptus; iuraq; tot latè populis, daturæ aliquando potestati seruatus; ingentibus quantumuis meritis, supra ipsum etiam, publicæ felicitatis caput promineat; raptas nihilominus gaudiorum excessu mentes, dum Te, augusti nominis pondus, ex æquo sustentaturum intelligunt, non terret, sed demulcet. At Verò pectora Phœbo Musisq; sacra, quibus Tecum prægnantes curæ Veniunt; vt orbi cum cura dicaris, scribarisq; colluctationem in Te, palæstramq; suam, & sudores illos, quibus exprimendis, immortalitas Tua torcular est, ita secum reputant; ita ob excessum gloriæ Tuæ exaggerant; vt dum pro Te cordatissimo Principe, masculum aliquid, robustumq; cogitant; sanguinem ad cor omnem, defluxisse sibi, haud ex Vanò sentiunt. Nimirum inter tot aduersa, grassatosq; in Visceribus, aut incubantes ceruicibus nostris tot hostes; eò fastigij per Te euecti sumus;

ut pretium fuisse Videatur, tantis ab Oriente terroribus conflictari, ad obtinendam, quâ nunc fruimur, Victoriarum tuarum celebritatem. Et si tantorum successuum, cum tempore quoq; cresceret magnitudo; Venient dies illi, in quibus posteri Vix fide capient ea, ad quæ nos, in armis, triumphisq; Tuis, attoniti hæsimus. Argumentum certè seculorum omnium illud es, securum gloriæ, & sæper, ijs etiam, quæ cælo Vicinæ feruntur, mentibus eminentius; cui nihil Vnquam de ingenio, meditatiq; scribentium curis accessit; illo operum tuorum immenso ambitu; illâ Virtutis, non humanâ specie; quæ ad diuinas in terris vices euecta, quàm ex arcano Maiestatis recessu Venerit, iam conuicit. Non capiebant Te, summa ingenia Heroem, angustias suas confessa; cum vndiq; superemineres; semperq; vastis etiam pectoribus, post graues operarum anhelitus, maius aliquid de Te superesset: quærendusq; Tibi, non tam orbis alter, cum Macedone fuerat; quàm aliud mentium clima, idiomaq;, non humana sapere, fariq; edoctum: cum Tu, glacialis Moscua, non tam trepidum Volgam; quàm frigentes animos, Victor toties congelares: cum vltra, citraq; Borysthenem, & in ostijs suis, perculsa à Te rebellio, metum simul, & desperatam animam, in Pontum ageret, exoneraretq; cum ex Lapponibus, Hunnis, extremisq; gentium eiectionis, datas per Te vltioni Patriæ victimas, ipsa etiam Cimbrica Chersonesus horreret: cum in Russiæ oris, infamem cruore, taboq; suo paludem, Scythica Mæthis per Te inueniens; nunc opprobrio palustri hærentes; nunc palantes, cæduasq; per syluam animas, frustra desideraret: cum Bosphorana Propontis, momentò se in Tyram descendisse, & haustum à Te vno conflictu Orientem, turnens in Dacia Byzantij stupor, non caperet. Hæc Te Imperatoriâ adhuc potestate agentem, pro eloquio stupor, & silentium, secutum est; trepidauitq; ad nomen Tuum, non minus sagum, quàm toga; veniente sapius, ad manus eruditorum spongiâ, quàm calamo; quem magnitudo Tua excussit, nondum ex arcano fatorum, quò vergeret euoluta, ferensq; Maiestatem nonnisi sub inuolucro. Quanta nunc de Te cogitantibus, angusti horroris necessitas? quàm absorptæ, in summa luce minores faculæ! ut iam in Regno Sapientiæ, propè conclamatum sit; posse aliquid, de Sceptro, & Corona Tua, ab hu-

manis

manis mentibus concipi; cùm vel sola Imperatoria claua Tua, ingenia hominum, Diuina fecit. Antequam Augustus esses, iam signare incipiebas, illud seculum; quod anteaكتورum famam obruere meruerit. Iam Tibi Achilli, nullus par Mæonides; & cùm gesta Tua immortalia, semper procederent; nemine ea paribus vestigijs alsequente, eò tandem ventum est; vt cogitari, diciq; totus nequeas; vt de Te, & de natali Scuto tuo, in quo nihil expressum, tantò magis omnia claudit, immensum quiddam cogitantibus reliqueris. Hic demum inter sacrum, quod aiunt, & saxum, orbis ingenia deprehensa sunt. Ad solennia enim Inaugurationis Tuæ Regiæ festa, vel animum in vota, paginamq; soluere; vel de ingenio periclitari, vtrumq; ineuitabile, & tamen vtrumque subeundum. quando ingens gloria Tua, Orbisq; debitæ Tibi gratiæ, manus propè iniiciunt; & si quæ calamo vsipiam vis, non vrgent eam, sed extorquent; dulci sanè tormento, inquo, alibi quidè purpurata, discat ad purpuram Tuam, eloquentia confundi. Veniat & hæc ad triumphos Tuos, ex ingenijs palma; easq; in seculorum immensos tractus, non hostium tantum, sed animorum quoq; triumphator; pendentibus ad trophæa Tua, doctarum animarum circumquaq; spolijs; quarum excelsos spiritus, immortalesq; genios excedens, in manubijs computas: vt qui Rhodopen Thraciam, cum Marte suo concussisti; legaris quoq; a posteris, Delphos etiam, & Cæcropias Mineruæ arces terruisse. Quod si Te ò REX, fulgur Tuum, ita nobis penitus eripit: vt scribi, diciq; inconcessus, omnem ingenij aciem effugias; sub nube saltem, Natalis Scuti Tui, videri Te permitte: quando & sol, sub nube, aut in Iride sua, cerni non renuit; & numina olim, oculis hominum inconcessa, ex flamine, puluinaribus, cortinaq; sua, intelligi se, vestigariq; permiserunt. Sic ego Te Princeps, longissimè supra omnes laudes situm, nec vsquequaq; reuelatum, in adytis tuis, sub imagine conueniam; & ne, quod cautum esse voluit sapiens antiquitas, dissimiles sui, magnæ Tuæ virtutes, ad posteros transeant; veras earum effigies, signanter ex Te in Scutum Tuum transfusas, maximo, Te ipso nimirum signaculo, & authographo consignabo. Ita Maiestas quidem Tua illibata Tibi constabit, dum, quâ parte, in Panegyri nostra, non prominebis; augustior sub velamine Scuti Tui, Tibiq;

foli notior recondere: sub vmbra verò de Te scribenti, facilior,
& Maieſtatis a longè reuerentia, & veniæ locus.

Regnorū in Orbe, populorumque ſalus, ab arcano quidem Numi-
ne venit; tribusque ijs digittis appenſa, qui vniuerſi compagem
ſuſtinent, legē immutabili fertur; omnibus tamen ſeculis, in-
gentium animarum robora illa, Statoresq; imperij æternâ ſerie le-
cti, diſpoſitiq; ſunt; à quibus aduerſorum immane pondus, foetaq;
malis publicis Nemefis, ſiquando regnis incubaret, ita exciperetur;
vt conſtaret, ab eadem manu, aduerſa immitti; & qui ijs ferendis
magnam mentem obijciant, deſtinari. Prægnans omne infortu-
nium, Heroas parit: decennioq; toto dum laboratur, vt Ilium ca-
deret; ingens ille arboreæ molis vterus, ferream prius concipere,
parturireq; ſobolem debuit. Magnis nimirum malis, ſumma ani-
morum decora aſſurgunt; nunquam ſe ita inclementia ſatorum
exerente; vt non emergant Coclites, dum ſpes naufraga dehifcit;
ardeatq; potiùs Mutiorum dextera, quàm læuâ Patriæ fortuna, ro-
gum inflammet. Illæ ipſæ vices gentium, illa rerum naturæ colli-
ſio, illa fragmenta propè, & abruptæ imperiorum moles; quibus
conteri millies, ac velut ad molare ſaxum, æternum diſſolui regna
oportuit; iuere ſæpius ad ima ſtatuendæ potentiæ fundamina; &
dum infelices machinæ putabantur, noua fulcra fuere. Quæſari
Græciam Perſicis armis, Romam Lybicis, ad firmandæ, radican-
dæq; potentiæ, altioremi baſim pertinuit: terrorem alias non latu-
ris, ad Atlanticum Oceanum, Herculiſq; columnas, Macedum, &
Latij ſignis; niſi domi prius aliena exhoruiſſent. Actum id, &
cum Viris, qui ad auguſtam mentem aliquando, aut Maieſtatem
aſſurrecturi, ijs potiſſimum temporibus, diuinitus ſeruati ſunt: qui-
bus ingentium malorum fragor, minores animos perculit, ſummos
erexit; quibus volutata contrarijs motibus, euulſaq; imperia; dum
cardinibus ſuis propè excidunt, Atlantes inuenere. Inter cruenta,
funèſtaq; mortalitatis excidia, immortalium exemplorum prouen-
tu maximo. Nouerca publicæ felicitatis Peloponeſus, ſecunda tot
luſtris, fortium virorum Mater, bellorum conſpectu durauit pecto-
ra, exempla genuit. Inter anguſtias Thermopilarum, trecentæ illæ
Laconum, auguſtæ animæ, obſetrice malâ fortunâ, ad immen-
ſum gloriæ decus natæ ſunt. Fauces Cilicum, Hyrcanæ rupes, &

Bactra

Bactra, ineluctabili illo, & vix humano nisu, victores orbis enixa sunt. quin & domita aceto saxa, Punicum fulmen procudere; quod nisi Saturniam totam concussisset, Cunctatori Maximo, Scipioniq; suo labentis imperij pondus non inhæssisset. Diu & nos Sarmatæ huc impellebamur, vt vetusti dominij fragmenta, artusq; laceri, & infelices reliquæ spectaremur. Versæ huc primùm seruales manus, probra fugitiua, monstraq; Cyclosum, mouerunt in nos sedibus suis, barbara, sæuaq; omnia. admotum vltimis excidijs nostris ferrum omne; & si quid, in circuitu mortis officina habuit; nihil intactum, nihil intentatum est; vt se mucro lethalis ipsis fibris, vitalibusq; Patriæ profundius inferret; scrutareturq; extremos agonæ nostræ anhelitus. Bellorum, & hostium nomina, coniuratiq; sceleris idioma, iam propè ignorauimus; donec post laborata ab omni circumquaq; Vulcano, parataq; in nos sub omni incude tela; Byzantium quoq; armaret in nos, quidquid apud Æthiopas, & ostia Nili, alieno sole adustum; quidquid Sabæos, Numidas, & Monomotapas olet. Has inter fatiscientis Patriæ, spes iam conclamatas, eoq; sæpius deductas; vt Manibus Polonis, inter rudera, fauillaq; proiectis, aliorum non tam miseratione, quam risu potius Sardonio, sepulchralia scriberentur; Sarmatarum virtus tantò admirabilior, malorum stupenda, & seipsam vincens, cladibus non amisit, sed genuit Viros. In ipso tot vndiq; missilium fragore, non icta, quamuis interdum percussa, fulmina iecit; nec vnum Brontem, Steropemq; ipsis, quæ fecerant telis confixit. in ipso rerum penè omnium defectu; in ipsa ferrei seculi scoria, ex Heroum dentata semente, Dentatos Sarmatiæ, veram Martis sobolem dedit. Attonita certè omnis ætas, cum æuum hoc nostrum respiciet, nunquam se intricatis cogitationibus euoluet, suspensa, & adhuc contremiscens, secumq; reputans; quomodo non vna malorum voragine hausti, rursusque eiekti, in abruptis, hiantibusq; Regni Lacinijs stetimus: vnde nobis, in tanta mortalium strage, non Heroes tantum, sed Martes ipsi, & fulmina belli? quibus clypeis, munimentisue tecti, tot simul catapultis impenetrabiles fieri potuimus! & tamen stupor ipse, qui hæc non capiet, illud fatebitur; detectam malis omnibus Patriam nostram, nunquam Heroicis pectoribus densius circumseptam fuisse; quando vel in te solo,

6 REX! munimentorum omnium compendia tulit. Vnicum hoc
Scutū Tuum, quod iam in cor Aquilæ Polonæ transijt, tot ante se-
culorum labor, tot deinceps miraculum, bellorum omnium furori,
ab ipsis primordijs obiectum, propugnandæ Saluti publicæ ita suf-
fecit; vt ad Victorias etiam, & Coronas profecerit. Crediderim
ego, cū Nemesis illa, vindicis nimirum iustitiæ manus, quæ re-
gnum hoc, diū prouocata indignationis brachio aggressa est; ar-
maret in nos, quidquid hucusque patimur: alterâ clementiæ
manu, diuinum in Te opus aggressam, Scutum illud formasse,
quod non exæquaret tantum mala nostra; sed his omnibus, ad vsq;
Thronum Regium superemineret. ita augustum hoc tegmen suum,
tempestiuè Patria subiit, statim operta à Te, velataque; ex quo e-
am, impudens primū rebellio discooperire; & eâ parte nudare
cœpit, quâ barbaris maximè pater. Nihil deinceps hostile, nihil
cœdibus nostris inhians, & ex omni parte armatum; quod à Scu-
to Tuo exceptū, eò se venisse, vbi mures ferrum rodunt, non sentiret:
ipsis etiam, qui secessione militari domi hostilia meditati, dū Patriæ
propugnacula putantur, hiatus, & vulnera fuere; ad hunc Bellonæ sco-
pulum, aut disiectis, aut ne excidio reuelarent locum coercitis.
Quanquam enim reuelare Patriam, detegereq; vt nudum eius la-
tus vulneri pateat, palam omnibus parricidale; clam tamen multis,
si prætextus non desit, extenuatione sceleris leue, in filum araneæ
transit. Rete hoc tenuissimum, ab ijs etiam, qui Patriæ robora
videntur, scēpius illi textitur; dū arma sic disponunt, consilia nent;
vt eâ potissimum parte, quâ illi tutissima spondent, Patria clype-
um, quod aiunt, post vulnera sumat. Diū quidem Orbis militia,
absque clypeorum munimento fuerat; primiue Pretus, & Acri-
sius, inter se bellantes, antemurale hoc corporum subiisse feruntur.
Vtinam verò circumuallatio hæc vitæ, eruptiones mortis non ha-
beret! vtinam reuelatis potius, quàm bracteata securitate tectis,
interire liceret! multa obtentui non haberentur; quæ nunquam
magis detegunt, quàm cum loricas, & vineas, quæ Papilio rum-
pat, defensionī Patriæ, dolabrâ mentium circumdare videntur.
Animorum huiusmodi retinas; an sypparia, dixerit nonnemo, diui-
num Phidiæ, in parma Mineruæ, Athenis opus: in quorum externis
sol eis, vultusque conuexo, triginta Deorum genesim, si videas; O-

lymphi thalamum credas; cùm in eorum concauo, Deorum, & Gigantum; Centaurorum, & Lapitharum; Amazonumq; praelia, cælum & terras misceant; Sphyn gemq; sub cuspide mentis, ad ænigmata ferant. Quid prodest talium ictus, quamuis vt Mariorum, decumanis protegi? si rimas aperiunt, vt vulnera inuitent; si tantum ex ijs munimenti, quantum ymbræ ex Timantis velo capias. Procùl hæc arcebat semper, Augustum Scutum Tuum, o REX! decumanum illud quidem; sed innocens, & illibatum, absque calatura, & imagine omni; prout & animus Tuus, absque tesse ato, & in segmenta diuiso opere, rectitudine sui venerabilis, & amplius. Reiecisti ab hoc tegmento, vt se illi Patria fidentiùs crederet, quidquid in characteribus, & signis, dubios interpretes poscit. Nullum in eo idioma cryptographicè loquitur; nullum ænigma implorat Oedipos; nulla Agamemnonis formido, iubas leonum simulat; sed vacuum omni artificio, quantò minùs prophanis laborant, um manibus debet, tantò magis sacrum, & diuinum est. Nulla illud Sidonijs artibus infecit purpura; nec erubuit vnquam, quod pro defensione Patriæ fecit. Nullos Argyroaspidas Persicos, quos ALEXANDER Macedo; nullos Chrysoaspidas, quos ALEXANDER Seuerus dixit, pretio sui illexit; & tamen saluti publicæ pretiolum, inter carissima Patriæ cimmelia seruatum, pro Corde, & Capite Augusto, & pro Corona Regni defensa, coronari meretur. Tu quidem o REX! Sarmatarum more Veteri, ymbracula hæc defensionis Tuæ non parastis; emasculatæ mentis, cum Scipione Africano, id reputans; in sinistra potiùs, quàm scutum gerimus; quàm in dextera, quæ gladio decernit, spem bellandi ponere. Sed reuelare Patriam, & quæ ferrum, in eius Viscera ibat, præcordiorum Tuorum obiectu, tutamini eius non adesse; atrox, & bellicosæ indoli Tuæ intolerabile censuisti. Quod quàm augustè vbique egeris, quàm totus in armis, totus in periculis, proieceris a Te tutamen omne; vt illud Patriæ obijceres; quàm Sparthanum illud, aut cum hoc, aut in hoc, impleueris semper; liceat mihi, vel ex vnica augustissimi paludamenti Tui fimbria conijcere, ac metiri.

Occurrit hic primùm, indoles illa Tua, magnitudini rerum, quibus gerendis destinabaris, diuinitùs facta, vigore, spirituque tanto; vt ceu iam tùm exercitus, fascesque maximos animare parata,

ingens aliquid sibi deposceret, in quo magnos ad gloriam anhelitus explicaret. Torosum animi pectus, ad gestorum latifundia, non fortitus es, ex magno sanguine, sed accepisti; ut patrimonium, in quo antea cuncta secula ferres, & consummares, sago, togâque incomparabilis, & in utroque Dictator. Hinc ego, mentem illam Tuam, & genium immortalem, cum circumspicio; quo Tu simul, & totus Mars, & Confus ipse; totus Senaculum, & fulmen ipsum haberis; non miror cessisse fatis, dum ad summam gloriam prodires, quidquid in Domo Tua eminentissimum fuerat; ut, cum omnia in Te transissent, vnicus orbi sufficeres; qui Domum Tuam in Regno Principem, faceres Augustam. Post primam illam in Senatu curulem, quam Magnus Parens Tuus infederat, non aliud Tibi restabat, præterquam Solum; in quo sanguis Tuus in Purpuram desijt; habiturus apud æuum omne fatis, ad Coronam; quod Te Regem genuerit. Sed itum huc, gradibus omnino ad purpuram formatis, totoque sanguine fulo; quem non Cecorenses, aut Batouiani tantum campi; sed vbiunque Sarmata, vitæ, & sanguinis prodigus, vel ex hostibus Marti Victimam, vel ex seipso dedit, præliorum vortices haulere: eâ fide, eâ animorum pro bono publico deuotione; quâ Heroicam semper, nuper etiam, augustam Te victimam deuouisti. Id verò, ex celsissimæ indolis Tuæ, prima illa, magnæ gloriæ pronuba flamma correptum, immensi ardoris fomitem in Te perennem ita fecit; ut restingui aliter, nisi inextincta prisca Sarmatarum decoris siti, non possit. Quod ut Teipso maximo teste agam; permitte me, per Maiestatis Tuæ clementiam, in arcana animi Tui ire; & apparatus illum reuelare; quo Tu, maximarum dotum contextu, & serie illâ, iam tum Regiæ mentis capax incedebas: cum ad æqualitatis iura, Cuius adhuc Patriæ præparabaris. Rebus enim bellicis natus, ex propagine illa, quæ non vnâ virorum fortium Hecatomben, Argiuo Clypeo dignam, Sarmatæ protulit: mirum est, quomodo genium illum Gradui plenum, qui alijs ferox, & immitis est, admirabili temperamento tractabilem feceris; supercilium omne, quod atras nubes suspendit, & sæua rigoris missilia iaculatur, procul effugiens; atque ad illud amoris publici inuitamentum, a prima ætate compositus, quod Principes decet. Mauortius alijs spiritus creditur, qui sæuus, & implacabilis est.

Minaci

Minaci vultu, aspectuque homines, vt velut à Gorgonæo capite
in saxa obrigescant, percellere; densam ceu erinaceorum syluam,
animo circumferre; vt quâcunq̃ue ex parte contrectaueris, lauci-
us abeas; non est Heroem agere, sed ferocire. Ridiculum est,
terrorem consultò fingere; & fortitudinem putare, quod furor est.
Aliud est spirare Martem, aliud extorquere; multumque distat ab
Hercule Thrafo: & tamen toruus ille, ac distortus animi vultus,
ac continuum veluti tonitru, ita plerisque diligitur; vt ne huma-
nitati quidquam è vicinò debeant, etiam longè a literis distant.
Hoc tandem est, mansuescere nolle, & vndique exasperari; negle-
ctoque animi cultu, tota vi in impetu esse; quod nos à barbaris
non distinguit. Illud homine, & Heroe dignum, quod Tu au-
gustè egisti; dare cultum animo, & particulam Diuinitatis obso-
lesceri non sinere: tantum ex literis, & sapientiæ studio sumere;
quantum ad Achillæam virtutem, vt ex officina rationis prodeat;
vt intelligat, & agat fortia, satis sit. Huc aduertisti animum,
suapte ad excelsas cogitationes paratum; nec tam pati culturam,
quam prouocare volentem: ingeniumque illud, in rebus vsui pu-
blico accomodatis, maximo gustu detentum; nihil in transcurso, me-
ditata omnia, & seriò magna cupiens; iam tum in fatis Poloniæ Re-
gno decretus, in Regio illo IAGELONVM Archilyceo formasti;
quod à Magno Parente Tuo defensum, Sceptra literata reti-
nuit; vt Te Regalibus Sceptris adaptaret. Seruati sumus in Comitij
Electionis, Martis Poloni VLADISLAI IV. Scutoque Tuo pro-
tecti; eâ Celsissimi Patris Tui Maiestate, cum liberis vocibus præsi-
deret; quam Te spirare oportuit; cum in eodem Campo, quar-
tus à VLADISLAO Augustus eligereris. Felicitas hæc omnium, habet
aliquid præter nos, alijs inconcessum; quod Regum filix, pares
imperio animos, in sapientiæ Regno formare liceat: quod libera-
le istud docendi institutum, quale sequimur; in quo ne coacta in-
genia malè respondeant, libero bonarum mentium vinculo tenentur,
Regum maximis sapiat: nec frustra scientiarum habeat fontem,
quem non florum coronamenta, sed Reges coronant. Ex hac
Diuorum etiam sapientia, quos cælo genuit, venerabile illud ani-
mi Tui secretum, augustè sapere doctum, communicauit se maxi-
mis Europæ populis; domique olim imperaturum, foris consilia non

quæsiuit; sed iudicia tulit, & quid ubiq; optimū, discreuit. Ibas cum
tissimarū nationū, tūm quidē deliciū, prædicatio postea, & miraculū
Ciuis Patriæ, & Senatūs Principis filij, indolem ferebas; sed Te iam
loca illa, ceu Maiestatis futuræ conscia, designabant Ciue maiorē, &
supra Senatoriā purpurā iturum. Summi Reges, & Principes, excēpere
in Te, gratijs omnibus dignam, magni sanguinis propaginem; com-
plexi nobilitatis Polonæ Principem, Fratrem aliquando, & æquali
solio venerabilem habituri. Ipsa cæli in terris Vicaria, Vaticana
potestas, cū se Tibi impertiuit hospiti; benedixit Augusto. Ca-
pitolum illud orbis solium, cū intuereris; cū Vetusta trophæa,
Arcus triumphales, ingentiumque operum formidandas adhuc reli-
quias circumspiceres; iam tūm genius loci, & Quirinæ conditor
Vrbis, ac triumphalium olim Virorum Manes, locum Tibi ex ar-
cano destinabant; in quo Orientis aliquando Victor, & Stator im-
perij nostri, non ebore, ære, aut auro cælatus, fufusue; sed immor-
tali gloriā subnixus, æternū stares. Iam tūm Aquilæ Romanæ,
Byzantinum illud Vexillum, quo nunc apud Orbis Dominam, Tri-
umphale nomen Tuum expandis, lato applausu excipere Visæ sunt:
ipsique festi ignes, quibus nunc triumphi Tui, Romæ collucebant;
iam tum fomitem suum, erupturæque olim scintillas habuere.

Sed iam alijs ignibus ardebat Polonia; totoque Vulcano cor-
repta, non in vnius decennij Ilium transibat. Concesserant in ea
festi ignes, in nefastos; aræ in focos, campi in Æthnas, & Vesuuios; in-
cendiario domi nato, stupā leui, & rusticā, sed flabello irarum, &
sulphure immenso. Alimentum flammæ, seruilis ille quidem ani-
mus; sed diu irritatus, spontē Africam spirans; inquires, malè Re-
gno cohærens, nec rectè obsequi, nec dare imperia natus. Non ere-
ptā Herculi clauā, sed concussā gladiatori Machæra; non sublata
Menelao Tyndaris, sed Mycenæ importunius lustratæ; non op-
pressus in herba, sed incautē habitus ferox, exasperari impatiens,
ē vicinō Tauricam olens; nec tam vindictiarum, quam rerum in tur-
bido ardens spiritus, miscuit omnia. & sceleris coalitione, ceu bitu-
mine, vt accenderet, coniunxit. Tædæ illæ infelices, ad vltima ter-
rarum, nouitate sui prospectabant; impleueratque orbem horror,
& indignatio, metusque contagionis; qui haud ex vanō fuit, post-
quam alibi etiam similia erupere. Dati in victimam, ex Potocio
sanguine Decij: Duces cladibus suis, eò infeliciores, quod supersti-

res, prima captiuorum capita facti: robora legionum, tot præliorum, & victoriarum conscia, intra carraginem suam, diu fatis oblectata; tandem cædibus, & vinctulis Geticis absorpta; Nobilitatis flos, primâ ingluuie, & rabie haustus: stupor omnes, etiam ipsos, qui hæc viribus suis; & non tam meditato, quam inuento scelere maiora fecerant, prope in obliuionem sui vertit. Inter hæc Patria, Augusto capite orba; ad subita, & illico ad summum scelus, & formidandum potentia robur deducta, non tam inops consilij, quam attonita; nunc palpitans, & tremens; nunc sumptis animis, eisdem iterum, & consilia abijciens; quærere Duces, & oblatos spernere; agentes fortia laudare, & iidem diffidere; nunc vni, nunc pluribus rem committendam, & mox repetendam statuere; serviles animas, & faciem populi, ignobilem bello, & victoria materiam contemnere; & mox veteres militiae, admissi sceleris desperatâ Veniâ, Gelonum coalitione, & nouissimo libertatis gustu, ac ex pertinaci Schismate, valido fidei obtentu efferatos, & implacabiles; ac proinde Vinci haud faciles, & odisse, & timere: letissimæ exercitus, sed magis splendidi, quam pugnacis obiectu, ad rastra vnde venerant, redituros credere; & tamen vndique retum aliquid, & serò restinguendum, quale hucusque ardet ominari. donec malorum fluctu, æquè bellaces, ac imbelles animas involuente, cessere omnia fatis. Prouinciarum maximâ relictâ, itum in viscera Regni. ipso etiam electionis campo, vbi res augusti capitis agebatur, ex vicino cadentium fragore, armis, & classicis circumsonante.

Hæc interim nobiscum. cum Tu sub alieno quidem Sole, sed animo in sinu, visceribus, in corde Patriæ totus, singulos eius pulsus, & ictus sentiebas; collescebas, & rapiebaris ardore illo; qui Te postea, feruentissimo Marti intulit. Dolebat tibi Hæctori Patriæ futuro, Pergama Tua, Græcâ fide, & rebellionem, impunè peti: non Achillem, Aiace, aut Diomedem fortissimis; sed mancipia, & infame cum Sparthaco vulgus instare; diripi omnia, & in prædam, seruilis contumaciæ cedere; Polonos tot gentium bellis inuictos, maximis imperijs formidandos, Mauortium exasse genus, domitis circumquaque, aut receptis in fidem populis, latè imperans; & vltimum illud, ad quod Romanæ olim potentia mu-

cro, sæpe dissiliit, momento quasi procumberè; eoque plebeiâ manu; Vilique procellâ deiici, quò tantam impelli molem, maximo seculorum, & imperiorum nisu, si oportuisset; adhuc tamen, ingentia quantumuis arma, coniurataque Regnorum furia, ad portentosum omnino, seculareque opus trepidassent. Excidère tùm, magno pectoris tui anhelitu expressæ, breues illæ; sed pondere mox non ferendo, iam diluuiâ sanguinis, catharactis suis incubantia, designantes lachrymæ; promicabatque iam tùm, dissimulari nescius, totus in vultu, totus in oculis, totus in animo tuo Mauors; obstacula terræ, marisque, & quidquid magnam animam morabatur, per-rumpere festinans. omnis illa elegantia, ac decor orbis, quo cultissima Europæ portio, maximè nitet, molesto lenocinio, quidquid Tibi visendum obiecerat, ad fastidia dedit; cum delectabile quoduis, ardore, sitique bellandi absorptum, vnum ex omnibus in vindicijs Patriæ, & inter parricidales cadentium mancipiorum victimas esset. Ita Patriâ cogitâs, Patriâ ardens, ceu iâ confertissimis immistus, ceu totus in sparthaco hærens, non itineribus ad eam redibas; sed raptu quodam, validoque rerum gerendarum spiritu ferebaris; ad occasionem primam attentus, vetus militiæ fieri, castrisque innutriri anhelans, æstuque magnanimo conflagrasse planè visus; nisi Te, non tam aris Patriæ, & focis, quam curis castrensibus intulisses. Non ego hæc ideò ago, vt pro Te dicendo magnificentius, quam Tu Martem Tuum cæperis assurgam. fidem publicam, non captiuo, nec in theatra, scenamque duco. eant in se, quantum libet profundo sui scrutinio, descendantque retrò, in rerum anteaectarum seriem, si quæ adhuc supersunt bellatrices animæ, Tecum sacris Gradiui initiatæ: loquantur orbi, si quid par Virtuti tuæ possunt, testenturque, quis ille, & quàm acer spiritus in Te fuerit? quàm valido impulsu, honestique ardore concitus, quàm in discrimina feruens; rudimenta militiæ prægressus, iamque veteranus non vsu, sed voto; qui Te castris primum cum germano sanguine intulit; qui rabiem Cossicam, tetramque illam a Mæotide nubem, vi non sustinendâ, cum sæpius disiecisset; à primo illo magnæ gloriæ gustu, pericula, vulnera, mortem, non adamauit deinceps, sed deperiit. Siren illa, semel in classico audita, totas pugnacissimæ animæ tuæ aures possedit, totas abstraxit, & tenuit. frustra hic Laertiades, ceratos obices, ferasque

serasque erupturo per mille chalybes animo cogitasset; vbi semel Martem audiuisse, æternum non abstrahi fuerat; rauco illo, streperoque sonitu tam dilecto; quam cæteros Amphiones, Stesichorique Luscinia mulcent. quando subirasce etiam Tibi videbaris, quod infra Annibalis, Kriuoustique nouennium, seriùs hæc Tibi intonuere, quæ orbem attonitum reddunt. Mirus in Te castrorum amor, Diui penates sub tentorijs toti, laquearia sub dio tutissima; cælo protegi, & rerum omnium inclementiâ exerceri; duro cespite, aut rigenti, noctem vel fallere, vel truncare; domare somnum, pro-uocare vigilias, inedia, siti que famis obsonia condire sapidissimum; atque ita deinceps in naturam translatum; ceu Te nascentem, non ædes Palatinæ; sed aspera Martis, inter Scuta, & gladios excepissent. Grande patrimonium, auiti sanguinis virtute partum, beatas opes, non ex censu, sed ex eò putasti; quod impendio publico datæ, ditem Patriæ amorem testari possent; erogatæ illico in eos, quorum prodigus in vulnera, & mortem spiritus; vt pretium omne excedit, ita liberalitate nullâ compensatur. Detractum mensis, pateris, myrrhynis, scutulatis, & gementibus sub pondere sestertiorum vestibus; immodica omnia, citra sumptuariam legem cohibita. dati limites, profusis splendoribus, & intra cancellos suos coercita, aulae intemperies; apparatu omnium ad militiæ decora, neruumque belli translato; cum instructissimis cohortibus præesse; pectoraque illa, quæ sæuum vndique Martem excipiunt, armare ferro, animare donis, Cræforum gazis omnibus anteferres. Hauserat tum rebellis Borysthenes, aureum omne seculum. felicitas Polona, copia, magnificentia, splendor, ad sarmenta eorum, mapaliaq; transierat; qui ante vt leues paleæ habitû, mox ad ingentium ruinarum pondera suffecerant. aurum omne, veteresque gazæ, & longâ felicitate distentæ opes, sub villosis, Myrmillonum, defluentibusque lacernis, probro habitæ, splendidissimæ gentis genio insultabant. Huc ergo admoti per Te, conuersique sumptus illi felices; quibus ad subsidiû Patriæ, lecta per Te, ex fortissimis non exigua militiæ manus; quidquid vsipiam Cosacico, Scythicoque Marte efferebuit, persequi adorta; catenam bellorum omnem, victorijs, & triumphis secuta est. Iouem Polonum, Gigantes illi, quacunque ex parte aggressi sunt; Enceladus ille, ossam, & Pelion, Islangiereos, & Thohaibeios, prima

Scytharum capita, sceleri suo iungens; quoties Tauricam in nos omnem, eiaculari voluit; aderas ubique Poloni fulminis pars maxima; instabas terræ filijs tonitru, non ferendum, contra quos pericula deposcere, prima in acie versari, audacissimis occurrere; atq; in voraginem illam, quæ nobilissimos Sarmatarum, immani rictu hauserat, præcipitari visus; inter maximæ fortitudinis exempla, ad Coronam vsque regiam seruabaris; cum nulla ex militaribus esset, quam non merueris. Quidquid nimirum in armis Zaporouianis horridum, implacabile, scelestum, & omni externo Marte truculentiùs, dolofo toties cinere recrudit: quidquid in scenam illam deductum, locis, prælijs, cladibus, internecionibus, captum omnem, & memoriam vicit: mucro, & cruor omnis; cæca obstinatio, & lynce quouis oculatio perfidia, motaque Erebo Tysiphone, & furia omnis, quocunq; cum hac rabie incubuit; cum acerrimæ ubique hostilitatis conflictu à Te exceptum; taboque suo, & fanie pluens, immanè quantum Tibi ad gloriam profecit; in quantum Te Bellatorem durauit; castris, & campis omnibus pro Te agentibus, Tuoque nomine, præter infelices Batouianos insignitis. Arcanum hic ego vestrum, quidni adorem, boni Superi! quidni ad illud, simul & contremiscam animo, & exsiliam! Cannæ Poloni sanguinis, & Punicæ fugitiuorum, hic si vsquam artes. veterator ille, sub aliena larua; bellua illa, sub aliena pelle; cicur, & tamen frena mordens; balatuque rugiens; cum scelestus pater, prolem impiam redarguit, immanitati suæ conuiuet. peior Phaétonte suo scelerum quadriga. ex Sacramento pacti nuperrimi, ceu testudine facta, aggreditur fortissimos Lechiæ; balista non ignota, sed latens. animum mille foueis hiantem, cauernosumque, fide publicâ tegit; vt eam confidentiùs soluat. Ita pacem euaginans, gladium sicarius stringens, dum quasi in transitu extrema radit. cor ipsum Patriæ petijt. Cecidit tum pro dolor! quod sanguis ad posteros, non sepiâ notet, cecidit inquam, cum Hectore suo, flos ille Patritij Sanguinis, non victus, sed obrutus. concessere inundationi barbaræ, tot Deciorum capita, tot militiæ fulcra; non mota virtute, sed circumfusa immani, coopertaque fluctu. & adhuc tamen inuicta, admirationeque virtutis, ipsis etiam Gelonis formidanda; ac eripi serui macheræ digna; nisi macellum illud, lanienamque seruati etiam ab extrema barbarie,

barbarie, Heroici sanguinis gladiator ille, & lanista poposcisset. Vidit sub id tempus Scythia, quod apud se, tanto ferociæ profectu, necdum viderat; damnariq; inhumanitatis dedignata, innocentiam suam, comparatione tanti sceleris absoluit; cum inhumanum facinus discere coacta, execrata est & exemplum, & magisterium; cum lixa, & helluo ille, nobilissimis inter captiuos, truci edicto conquisitis, datoq; pretio redemptis; coram singulos trucidari; immò & in arenaria illa carnifex præire, volutariq; in sanguine illo, ac pergræcari volupè habuit; sorbente ipsâ etiam tellure, innocentium cruorem quantocyus; ne sacra illa purpura, insultantium ludibrijs amplius; tantiq; in Christianitate propudij vestigio superesset. Plaga hæc insanabilis, propè ad deliquium Patriæ, damno quidem iam toties accepto, sed dolore immenso; qui ex circumuentione tot illustrium animarum, modoq; excidij auctus; cor quidem Patriæ transfixit, sed mentem non eripuit; quando clade afflicta, clypeum non proiecit. State adhuc modicum præcipitia Regnorum, extremiq; occasus! at vos boni Superi fauete, adesteq; ! si quid conijcere licet, vestrum hoc secretum, & Scutum est. Iisdem in campis, in quibus cecidimus; protecti arcano vestro, & seruati, Phænicem ex cinere nasci; nec in medijs cladibus, omnem fortunæ tabulam eripi didicimus. Cecidisti quidem Auguste sanguis, bellatorum gloria, flos, & gemma Heroum, Thebarum tuarum magne Epaminonda; sed dum alto terrarum gemitu caderes, tecumque corruentem Patriam, ipse etiam gemitus defecisset; cælum alibi pro Te sollicitum, quia sic morientem, in augusto fratre seruauit. Sarmatia quid trepidas? quid procumbis? quid extremo spiritu, an clypeus tuus saluus sit requiris? leua oculos, & fata tua sequere; & clypeus, & Epaminondas Tuus saluus est. Non vnâ ille, vindicem fraterni sanguinis, Leuctram, & Mantineam, non Spartanis, sed Spartacis dabit. Victimam hanc cælo impensam, rependet illi vespillonum illa colluies; quæ quamuis Byzantij, & Moscux limina sollicitet, capulis suis, & feretris non sufficiet. Rependet illi Myrmidonum, Dolopumq; Scythiæ, infamis pyra illa, in Bednarouijs tyluis, olim æternum arsurâ. Datæ huiusmodi vindiciæ, expiatus innocuus sanguis, reconciliati campi nefasti, longâ tuâ Nemese ô Rex! ultoreq; gladio; à quo inferias suas computent, qui hucusq; ab illa seruilis belli Megara ardent.

Sed iam aliò te vocat Patria, in ipso intestini mali furore, grandi exotico bello inuoluta; cùm in eam cubilibus suis motus Septemtrio, gentes infudit; quibus aut barbaro Marte distenta, aut implicita domi Polonia, ius omne classici, & præliminaris cortina. Ansa belli, ferocior domi egestas, quàm alibi hostis. Scopuli, & angustiae natales; bonæ indolis gentium latifundia, & opes; & quod vicinum pecus, grandius vber habeat. Vetus exinde Orexis, meliores alibi bolos appetens. armorum societas, & pactum; speciosus ad proferenda Regni pomaria prætextus; quæsitus à nobis ad Coronam Regius sanguis; sed multò sanguine, & maritimæ provinciae iacturâ redemptus. A Charybdi illa, caput augustum ægrè seruatum, quæ patrimonium Regale vt absorberet, titulum reliquit; qui diù ad classicum, & tesseram belli suffecit, paliurusquæ gentium fuit. Arsimus hoc bello sæpius, euentu vario; cùm se littoribus nostris vis, & flamma illa, infudisset angustijs suis euoluta; consilia nostra anteuertens, & semper aliquid è proximo carpens: donec tandem, quæ virtutem & fortunam VLADISLAI IV. reuerita subsederat, fomite iterum nostro, & turbine malorum agitata; recrudesceret. prætenso ab hostili manu, protectio; & salus Regno; ceu aliter malis suis adultis, & robustis explicari non posset, nisi implicitum etiam nouis; spe ad extremum irritâ, damnatisq; sed serò, turbidis consilijs; cùm iam hostis intima Regni, & caput provinciarum possedisset. Quidquid certè illud fuerat, quod nos ab hac parte securos, tot plagis, & ictibus reuelauit; Augusto Scuto Tuo ô REX! protectæ Patriæ decus, & gloriam dedit. munimentum hoc tuum, ominoso Aquiloni obiectum; etiam in Scutum Cæsaris, super quo Patria, ex transmarino illo naufragio enataret, concessit; non vnò Alexandrino portu, sed orbe toto spectante; quando distentis Reipublicæ viribus, cùm ipsa etiam spe, quæ miseros vltima deserit, excidissemus; non salutem tantum, sed & victoriam plerumq; inuenimus. Breue illud fulmen externi Regis, quod spatia bello quæsiit, quod Vulcanum, & Cyclopas Lapponum omnes fatigauit, quod hæresim spebus immensis accendit; sensit tandem, quàm præcoces impetus momento finierit, exceptum ab ea gente; quæ indole suâ, paulò securior, technis alienis facile patet, non succumbit. Postquam enim fatis Patriæ aliò conuersis, quæ in præceps iuerant, ex abrupto suo reuocari capere; postquam

postquam diuina, humanaque passim violari, profanari sacra, distrā-
hi que, periclitari omnia; sub fide data nihil securum haberi, prouin-
cialibus sub liberæ gentis prærogatiua nuperimè receptis, indigna;
peiora que; seruitio imperari, militarem disciplinam ad ritus peregni-
nos exigi, cogi que; modicis experimentis, omnia in immensum, à pa-
trij moribus distare compertum: comparatione præsentium, &
hiatu vnde exciderant tam vasto; altum traiectus, vltimum que; ira-
rum impatiens Tuus, & fortissimorum Tecum, bellator ille spiritus,
id deplorato Reipublicæ statu perfecit; quod tentare ne felicibus qui-
dem licuisset. Reddita terris, sceptris que; suis Maiestas Principis; con-
cepta, iurata que; contra hæresim sacra indignatio, accensi ad vindi-
cias Patriæ, Sacramento que; obligati, multorum animi. Rex Suecus
nouo quasi fulmine iectus, Prusliam euocatus, retrò que; pulsus, fata pri-
mum sua, mox & inermes propè fugiens; maris Dominus, in flumi-
num angustias coniectus; perculsus que; tridente suo, grauis ipse sibi
Neptunus; per salebras, lacunas que;, ac pudendos circuitus, velut per
stillicidia sua consumptus; cæsis, aut alieno vortice haustis, Germa-
niæ olim terroribus, & flagellis, propè in furias actus; magna illa in-
stantium Sarmatarum procella, propè ad ostia sua, à quibus ipse pro-
cellosus venerat eiectus. omnia hæc vt summa, vt stupenda, & im-
mortalia; ita eo tempore, supra spem omnem; non supra virtutem
eorum, qui Natali Scuto Tuo Patriam extulerant, fuere. Pannonas
adhuc, & Istrum, iurata Sueco fœdera, per fauces Carpathias protru-
dentes, furere in nos ab Austro oportuerat, ceu Aquilo mali non sa-
tis panderet. Populorum illa, an ferarum sylua fuerit, haud liquet;
belluas tamen omnino fuisse, extremum vesaniæ docuit. Princeps
ipse, Suecorum aucupio lymphatus, magnus in breui scena ludio, præ-
ter furorem, & amentiam, melioris consilij grande vacuum, alieni
manubrij securis, excidij sui vagina, & tandem Scythiæ viscus; tra-
gicum illud scelus, pro alieno Dominio seruus gladiator, turbâ, & col-
luie gentium dum vrget, dum inter diluua sanguinis, immane ca-
put, & pudendos circuitus, ad Suecorum tibias mouet; Hercules ille
si Dijs placet, sed furens, domi suæ reuulsioni, & plagis insaniæ patu-
it. Itum per Te, & per fortissimos Scipiones Poloniæ, adus que; visce-
ra eius; vt qui feram induerat, sentire humana disceret. grassati in
nos Hunni acinaces, Scuto Tuo retusi, dedere locum mucronibus Po-

lonis; ut intestina Pannonum scrutati, reos alieni sanguinis, ad poenam talionis cogerent. Ite retrò nemora gentium, exemplum crudelitatis absq; exemplo, bellum sine offensa, flagellum, sine mensura; ite Brutij Suecorum, mox & ipsi macellum Scythiæ futuri. Sæuissima hæc tempestas, eadem omnium breuissima, expedit momento sæculorum facinus; properauitq; cæco furore, ut in ictu oculi periret: inauditam lanienam dedignantibus, ipsis etiam, quæ eam accenderant, infernalibus furijs; facemq; illam ante tempus extinguentibus; ut superesset aliquid mortalibus; quod titio ille non videret, nec sæuum omne Hunnus esset. Vindicias ergo Patriæ, & confossum in larario suo hostem, ac in vincula Tauricæ datum, trophæis Tuis Auguste noster ita adiungo; ut & reliquum omne, in quo Suecus Marte Pannonico, & Polonâ, quam appetierat Trabeâ exutus; ad Borussia vrbes frustra ex aduerso littore respectans, foris inquilinus, ægrè domi suæ Rex, maximæ spei fauces elisit, & pacem bello prætulit, ad Maiestatis Tuæ adoras venit.

Ponimus hic vimbonem Sarmatiæ, ubi pax bella composuit; sed reuelamur parte aliâ, & iam sub ictu positi, Scuta poscimus, quæ Moscuam æquent. Faciles Moscuæ successus, & prona in augmentum formidandæ potentiæ omnia, laceris Regni nostri artubus, & excedente ipsos etiam articulos hoste. Immane robur Schismate concretum, munimentis omnibus fatalis aries, & nihil ex aduerso non emoturus, procedebat latius strage haud dubiâ; nisi saluam iterum in Clypeo Tuo Patriam, Tecum similes Tui Epaminondæ, è voragine discriminum, ad triumphos vsq; extulissent. Prostabat quidem æterna Moschorum labe, triumphati ad Cudnow maximi exercitus horror, tantiq; cadaueris infame minutal, victoriarum Diui IOANNIS CASIMIRI trophæum princeps, Septemtrionis Cordolium, & inquires diu remorsus; sed qui Poeana nostrum domi, foris quoque victoriarum decus interruperat, fæderatus pro stipendijs miles, longa viscerum Patriæ hirudo. Ab hoc duro exactore, publica res propè capta, diu sub custodia fuit; iniectæ manus Patriæ, præscriptæ seruitij leges, datæ consilij regulæ, expensæ ad stateram liberæ voces, imperatum redimendis, quæ publicè, priuatimq; possidebantur, insolens lytrum; & si vnquam, tum certè sub hasta fuimus. Malum illud, gemitu quouis altius, & sibi magis, quàm dicturis vnquam de eo notum,

eo notum, praxis sæculis omnibus obruenda, ne extitisse eam aliquan-
 do, vel extrema ipsius lacinia prodat; quidquid illud fuerat, quod
 tanto anhelitu egit, feret excoriata Patriæ, & impeditæ publicæ feli-
 citatis, cicatricem æternam; cui nullum opobalsamum, tam efficax;
 vt deleat, quod in corde reipub domesticus pugio fecit. Mora hæc
 dedit hosti spatium, & robur, cadentibus in irritum, quæ tanto san-
 guine steterunt. Cosacus tam peruicax, quàm ante; Moschus repa-
 randis damnis suis, grandi potentiâ, & prouinciarum populosis
 haud impar: bellum, post tot præliorum atrociam; totq; post trium-
 phos, tam nouum, tam operosum, & formidabile; ceu nuperrimè cu-
 nis suis fatalibus euolueretur. Confici quippè haud vspiam potuit,
 vel interuentu hostilium, quæ ex omni parte sensimus; vel armorum
 nostrorum genio, qui continuandis victorijs segnior, maiora operi-
 bus respiria poscit. Excindendæ Lernæ Cosacicæ, sæpius toti incu-
 buimus, nunquàm inhæsimus; interuallo nostro toties succreuit,
 deditque nobis recens negotium semper, dùm respirat. ita obices
 nostri, interpolatis sæpè aggeribus, nunquam in robora duratis, per
 ipsa repagula Borysthenem auxere; cui retento tantum, non domi-
 to, vehementia maior; & exhauriendis regni viribus, rimosus vndiq;
 paries, nouaque sanguinis spongia. Ergo huc cum Heroum corda-
 tissimis, CASIMIRVS Martem diu in Patria Quæstorē vertit; auri
 sacram famem, ære modico sedatam, spolijs hostilibus accendit; ma-
 nus stipendijs expeditas ferro acuit; dùm in ipsa Cosacica cubilia,
 in ipsos vel sola vastitate diu protectos, sæpius extra ictum, nempè
 vltra Borysthenem positos, atq; contumaci exindè securitate præua-
 lidos, rebellium lares, & annosa mapalia fertur. Armorum Princi-
 pis fortuna, digna Maiestate, inclinavit breui præfractas ceruices,
 folioque affusas, & sub Imperij sensu, obsequio pronas; cùm insta-
 ret trementibus hîc, obstinatis alibi, clementiâ animos, munitiones
 fortitudine expugnans, Rex vbiq; bellator, & victor; cui iam tùm,
 arcano quodam inter se, Regiarum mentium consensu, laborum Te-
 cum ô Rex! maxima communicatio. Diuisit Tecum CASIMI-
 RVS, rem summè arduam; vocauit Te ad merita, quæ Coronam non
 Ciuicam saperent; metiri Te fortibus gestis, regni aliquando tui fi-
 nes, iussione sanè non humanâ, sed aliquid ex altò habente voluit.
 Accepisti mandata, similia breui daturus, victriculum copiarum Le-

gatus; intulisti eò triumphalia signa, quò rarò præiuere Martis Poloni vestigia; impleuisti vices Regias, eo bellandi spiritu; quo nunc personam sustines. illudq; tantum inter Maiestatis, & Tua distabat trophæa; quod illa coronata surgerent, Tua coronari mererentur. Scutum denique Tuum, tam è vicino hostibus admouisti; vt in eo legere, cladium suarum idioma, etiam sine caractere possent.

Coronis hæc gestorum tuorum, sub alienis imperijs, absoluit Te iam classico illo, quòd hætenus non à Te imperatum, apud Regni militiam summa omnia iussit. Datum nempè meritis Tuis, spatium hucusque tam amplum; quàm illud; quòd in bellis Patria Tecum emensa est, omnis æui admiratio potius, quàm capacitas fuit. Ex terminio nostro quotquot iurati hostes, gentes, hæreses, Schismata; irruptionibus, bellis, prælijs, obsidijs, domi, & in hostico; rebus erectis, & desperatis; in medijs cadibus, mortibus, cadaueribus, tumulis, nunquàm posito baltheo, nullis cum Marte inducijs, triumphalem gloriam Tuam prouexere ad summum. Bonam fortunam, non vt Græciæ disertissimus in clypeo; sed vt Poloniæ fortissimus, in ferri acumine gestans, exæquasti vitam militiæ; primus bellatorum Sarmatiæ, si ætatem Tuam à Graduo computes; antiquissimo eorum, quæ strenuè gerenda imperabantur vsu; diu exercitus, parendique, scientissimus, vt summus Imperatorum fieres. Stupeo plerumque, & extra me raptor, cum ex vetusta fortium Virorum serie, in L. Sicinij Dentati, Romanorum fortissimi memoriam incido: cum eum centies, & vigesies, in aciem descendisse, triginta sex ex hostibus spoliaretulisse; quadraginta quinque vulnera aduerso pectore, auerso nullum excepisse; Ciues quatuordecem, ex media morte raptos seruasse, nouem triumphales Imperatorum currus secutum, coronas aureas octo, ciuicas tredecim, tres murales, obsidionalem vnā, torques centum octoginta tres, armillas centum sexaginta, hastas octodecim, faleras viginti quinque, ornamenta legioni, vt de eo Maximus inquit: ne dum militi satis multa meruisse, non tam lego, quam horreo, & expauesco; potuisse in vno homine, Martem omnino totum experiri, quanta sit humanæ mentis vastitas; quæ ad exercitui stupenda; non exercitus totos, sed vnum hominem delegit; in quo & exemplum, & miraculum omne absolueret. Sed ista excessisse fidem, & mensuram humanam, iam non arbitror; cum eam virtute
Tua

Tuâ ô Rex ! vastoque militiae tractu metior. Suffecisti vnus bellis, hostibus, spolijs, coronis omnibus ; toto illo tempore ; quo Tui oblitus, vt Patriam seruares, non descendisti in aciem tantum, sed descendentibus acri dimicatione præiuvisti, sine numero, sine mensura periculorum, strageque hostium, prouocatione solâ virtutis, & gloriæ, triumphalem Patriæ currum non secutus, sed implens ; vnus Capitolij totius Sarmatici, grande depositum, & ex omni genere victoriarum quæsitâ, & augustâ insuper Corona.

Imperatorem ergo Te, cum summo iure belli, Regni militiae datum, excepere classica ; quæ prima contra Scythiam iuberet. Procella illa Russiæ prouinciarum anniuersaria, Gradiui mola perennis, subitâ vertigine rapi solita, & res nostras nunquam non atterens ; Charibdis denique illa, & prædarum Vorago, dedit in Nuradino, primam Imperijs Tuis, sed non ignobilem ansam, & opportunum Herculis clauæ monstrum. Geta bello famosus, trux animo, spe, & nube Scytharum immensus, florem illum quidem militiae, quem contra armaueras ; sed paucitate suâ propè conclamatum, præfidenti ; barbaro despectum, rictu immani, Tauricæ suæ deuouerat. Parat iam fauces ; bolo, vt credebatur, facili ; diducta escis dapfilibus sæua ingluuies ; Gelonus acer, & voti impatiens, superinfundi legionibus, obruere totâ acie, instare, virgere in præceps exitij, quos ad extrema momento ituros putauerat. Sed incidit Charibdis illa in Scythiam suam, bellua in venabulum, tragula in scutum. In Te solo Imperatore, noua castra, & integri exercitus, reiecere barbarum ; tam forti, & Heroico repulso ; quàm illi, à spebus iam complofis, & mox in irritum cadentibus, indignatio maior, & exulcerata rabies feruentius accensa. Pugnatum per Te ô Rex ! eo rerum discrimine, quo Te forberi, & in obliuia cladis æternæ rapi ; eorum etiam opinione, qui ex pugnacissimis habebantur, necessum fuerat ; nisi Tu Imperatoriâ virtute omnium animis infusus, phalangas illas Tuas immortales, magnæ mentis spiraculo, & singulos Tuorum centimanos fecisses ; pugnatum inquam per Te, ipsis periculis contra pericula, eo genere præliandi ; quo rarissimis, contra lanistas Mæoticos vti licuit ; dum occupasti in Te barbarum, vertigine solitâ, & prædandi licentiâ teneri nescium ; obiecisti arma famelico, dum spolia anhelat ; distraxisti incubantium Tibi vires Marte alio, intendisti noui roboris spe-

cie Tuas; vt dum ægrè sufficiunt ad tutelam, ab ingenio Tuò crescerent ad formidinem. Dedisti Te in munimentum, & loricam Patriæ; Scuto Tuò, non vt olim Scævæ, centum viginti ictibus; sed tot millibus obiecto; vt in eo saluas Russiæ oras, ab immensa, quæ ijs haud dubiè instabat strage, efferres; meritò, & beneficio immortalis, officio Imperator, animo Cæsar, ipso etiam Dictatore felicior. Nam ille quidem, cum innumerabili multitudine, & feroci impetu Nerviorum, inclinari aciem suam videret; timidiùs pugnantì militi scutum detraxit, eoquæ reclusus, acerrimè præliari cæpit; quo factò fortitudinem, per totum exercitum diffudit, labentemq; belli fortunam, diuino animi ardore restituit. Tu verò nemini ex fortissimis Tuorum scuto erepto, omnium dimicationi infusus, manus ubique, & consilium; cor, & oculus; prouidentia, & robur; reddidisti legiones integras Patriæ, Russiæ securitatem, Deo animas, triumphandi iure potitus; sed rem in pompam non transferens, supra omne ius triumphandi æstimasti; Patriam saluam, Ciues liberos, Russiam non captiuam.

Adhuc tamen, cum in Te periclitaretur, expes animi in capite Augusto, non fuerat Polonia. Viuax Gradiui nostri Maiestas, in IOANNE CASIMIRO Regum fortissimo supererat; vegetum illud, & nobile spiramen, maribus Polonorum animis, infundendum haud dubiè; nisi Te eminentissimi spiritus animam, exercitui dedisset: sed cum id etiam in caput nostrum recidit, quod posita Coronæ, tot sæculorum apud nos prodigio exhorruimus: tùm demùm Mars totus in Te deciduus, non procubuit quidem; sed cum transfudit in Te, quod à Throno prodibat; incubiturum Tibi aliquando, quod solos Reges fatigat, præfago munere ostendit. Res ea fessi imperio Principis, apud Sarmatas nouissima; eorum insuper destinatione, quæ in Te ab alto transibant, tantò mirabilior, breue interuallum posuit, quò Te differret; ingens negotium, quo probaret. Prouisum à Te Patriæ contra hostes; vt securis Ciuibz, libera pro Rege suffragia, in Ciuem tandem desinerent; præirentq; exemplo, in quo & Tu iam Regno decernebaris, cum id non ageres; deterente sensim vires suas inuidiâ, cum hebetatione priorum, minùs acuta successisset. Maiestatem ex æqualitate, liberis vocibus factam, gratulatus Patriæ, concessisti in vota; pulherrimum ratus, quòd diu à nobis Orbis expectaue-

pectauerat, domi Regalibus animis non egere. Contra animorum
flabella, secura Tibi animi quies; & iugis in portu nauigatio; cum
Patriam amares, non iuxta interpretem populi sensum, infra quem
magnarum mentium commentatio est; sed iuxta limam, serio, &
constanter exigentium à se, quod bono publico expedit; prouiden-
tiumque à longinquò, ne fera poenitudo, præceps consilium damnet.
Multi sunt amatores Patriæ, qui zelant pro ea, quamdiu foci ar-
dent, ab ouo usque ad mala amici, ostentatoris zeli Thrasones, pro bono
publico cicadæ foris, intus Harpyæ; quibus si rempublicam comme-
mores, præfocari eos altis suspirijs credas; cum gemant ut turtures,
& vulturia cogitent. Plurimum tamen distat, inter apes, & fucos;
quamuis utrisque mella sapiant, non mellificia. merentur alij, fru-
untur alij; nec tantum illis sapiunt, quæ non fecere; sed obstrepunt
quoque laborantibus, quorum meritis saginam suam farciunt. Tu
verò lacunosas talium, & bifidas mentes execratus, quod liquide
amasti, candidè promens, secutus es vota Patriæ, non plausum quæ-
rens; sed concedens in sententiam gradu serio, & qualem bene
mansa consilia suspendunt, ut solidius figant. Inaugurationi Prin-
cipis, throno, & Patriæ beneuolens dum assistis, solennia tuæ merui-
sti; reuelatus, & patens oculo illi, quem nihil effugit; probatusque
cordi Diuino, cuius cogitationes, non sunt cogitationes hominum.
Ad Maiestatis certè consilia afferebas pectus, prout & Marti expo-
situm, grandi solitudine imminentium suspirans; & haud frustra
dolens in sententia, quam pondera sensuum vrgebant. Unde me-
ditatum alijs in scirpo nodum; & nimiam arcanorum, quæ profun-
dius quærebantur, quam latuere, indaginem relinquens; Tu aperto
Gradiui, & animi campo, fidam Principi, & Patriæ mentem testari,
Imperatoriam virtute maluisti. Iam enim magnam mentem Tuam
subibat, quantus nobis cum Otthomanica potentia labor, quam sæua
Regno instaret tempestas; haud dormitante continuâ exploratione
Tua; cumque Argis à Te submissis, crebrescente in dies famâ; quem
Ianum nobis Porta illa, & quam immensa armorum ostia aperiret.

Incendium belli, à Cosacica furia, prout & omnium, quæ se ha-
stenus nobis infadere. seruire caput, pridè limina Otthomanica lam-
bens, sæpè in Chmielnicio, sæpius in alijs, qui post eum, purgamen-
tis Borysthenicis præfuerunt repulsum, urgere scelestæ consilia non

destitit; ipso etiam glorioso fidei obtentu, quo res suas firmauit, arietauit nostras; dùm Machometana suffragia ambit, ob extremam rabiem proiecto. Diù tamen Oriens, transfugas à regno exosus, feruumq; pecus, interuentu tantæ potentiaë indignum ratus, dum Græcâ secum fide agi reputat; occasionem tamen prouehendi Imperij haud incommodam, non tam reijcit, quàm differt. Cretensi tandem bello expeditus, negotium spontè influens admittere decreuit. Ergo tentanda primò noui Regis auspicia visa; cùm non fallerent Byzantium, quæ apud nos, ex recentis Imperij lubrico, cùm magis putaretur, quàm esset, in vulgus sparsa; infirmam cardinum regni inter se cohesionem, ac velut momento dehiscencia, quæ in tantum surrexerat; ex coniectantium anxijis, sed infelicibus curis, tollere in maius videbantur. præmissi huc Tartari, rorarij Turcarum, fida iterum Cosacis, iubente Byzantio manus; contra quos, pro MICHAËLE Rege, itum est solitâ virtute, & animi magnitudine Tuâ, eoque armorum successu; in quo felicitas publica seipsam mirari cæpit; cùm prona omnia, quæ non vnâ bellorum olympiadem extraxerant, apud obstinatissimos rebellium haberet. fusi à Te sæpius ingruentium Tartarorum exercitus, compulsi in spelæa sua Cosaci; mox ijs deditis, aut captis, cum Bracſauia, vrbium eius prouinciæ prima, non modica pars regno accessêre. Mira victricium armorum gloria, mira animorum inclinatio, abſoluit per Te opus cogitatione suâ maius; sed perculit quoque immitem Zaporouianæ militiæ belluam, caput sanguinarium, & Patriæ sicam; vt cùm tantis breui successibus Tuis, dira sibi omnia, & extremum parricidalem culeum, restare portenderet; moto in sequentem annum contra nos Oriente, id ageret; vt rerum compage solutâ, lucidus vmbroso misceretur axis Auerno.

Collegerat iam diù minax, & ideò minus credita, sed tandem portento suo maior, immodicas Turcica potentia vires; imperato maximis prouincijs delectu, motis ab extrema Asia gentibus; Europæ populis, quotquot tanto dominio subsunt, à Thracia, & Ponto, ad Istrum, & vtramque Daciam excitis; apparatu, & milite, post res Venetas, Cretæ subiugatæ tristi euentu attritas, in immensum tumentibus animis, non ferendo. Segni interim ad hæc, & vltra solitum, resupino torpore nostro; commentis falsi, explosionibus

veri infinitis; dormitatione tam securâ, sopore tam robusto; ceni Gaditanus, vel Iapon, in vtramque nos aurem dormire; & non gemens in traiectu Asiæ Hellespontus, & iam effusa ad Tyram Propontis, seriò vigilare iussisset.

Eripit mentem, adactus in viscera dolor, refrigeratione sui, nouas cuspides armans; nec vt alij elongatione temporum hebescent; cum refugientibus horrorem suum cogitationibus, ac velut retorto collo obnitentibus; & tamen in æterna obliuia, quæ mallent, transire prohibitis; obuersatur animo Regni facies illa, quàm apud nos, bellum omnium maximum; ipso etiam hoste in varia sensuum dissecto, & rem tanto silentio conuolutam stupente; nunquam aliàs conuulsam æquæ, & comploratam iuuenit. Asiam personatam, nouum proscenij genus, Gradiui simias, & sub ænigmate hostes, fidem inuenisse; non apud proletarios tantum, sarmenta que populi; sed apud eos etiam, qui cælum digito tangunt, & ex tripode loquuntur; id demum fuit, quod cum plurimos exoculareret, etiam collyria spreuit. Constabat orbi, quod exquisitè ignorare, rerum vt putabantur sagacissimi voluerunt; iacta de nobis alea, pertuso mentis fritillo excepta est; nihil vspiciam creditu facilius, quàm laruatus Oriens, & breuis in imagine lusus. Follibus his mota animorum fluctuatio, exerente se, quamuis inter tot reciprocos æstus, constante veri rumore; contra impellentibus, & classico eripientibus fidem, qui fora, & curias miscent. Ita feruebat cortinale ebullientium in diuersa sensuum. At vobis sacra Gradiuo animæ, quis hic gemitus! quanta missilium cordis, cælo teste eruperunt suspiria! quantâ curâ tuâ ô Rex! quàm tempestiuo periculorum libramine, quàm continuo suasu, & impulsu, quanto literarum sensu, & ardore actum est! vt Vertumnus ille, tot simul formas ementitæ famæ indutus, execratione publicâ tolleretur; vt oris illis Russicis, & antemurali earum, quod primum maximo Turcarum obsonio destinabatur, validis præsidijs, & exercitu quàm instructissimo prouideretur. vt quod Illirij, Rasci, Bulgari, Daci, de traiectu ad nos Asiæ, per pontem Danubij maximum constanter vulgabant, seriò tandem crederetur. eo nihilominus profectu, quod cædi victimas, non Veneri, vt olim apud Romanos; sed Bellonæ Verticordis oportuerat; vt redirent animi, quos vertigo illa, & commentorum Eurippus loco mouerat. Dedit tan-

dem classico Tuo fidem, superinfusus Podolæ campis, Turcarum exercitus ille; qui cum Xerxe suo, mari compedes, & cælo tenebras minitatus, Cameneco formidandus oppugnator assedit. Diuinum illud opus, Acrocorinthus nostra, munitionum prodigium, Scutum Patriæ hæcenus illibatum; circumuallatione ingentis exercitus, portentosis machinis, cuniculis terrarum, & suffossionibus; instante tot gentium operibus, & vrgente omnia, ipso Poliorcete Byzantino; immensâ vi, & extremo nisu oppugnatum; exhaustis modicis viribus, desperatisque suppetijs, gemitu orbis Christiani, & damno incomparabili, in manus Turcarum venit. Nec hic tamen fragor, cadentis tantâ ruinâ maximi omnium propugnaculi, quidquam profecit; donec prouectâ Leopolim vsque Turcarum arma, & infusi prouincijs interioribus Scythæ; igni, & ferro rem agi, & non spectra obici persuaferunt. Quid ego hic Augustum Cor Tuum alloquar? quid ficam atrocissimi doloris Tui, hærentem pectori, & in mille vulnera recrudescentē commemorem? cum immanè, quantum dolens, & suspirans; vindicemque spiritum implacabili eruptione prodire volentem, continere non valens, visceribus totis rumperens. donec Te fors illa, Poloniæ quidem sinistra, sed in dexteram excelsi roborata; cum paucis, sed fortissimis legionibus Tuis, Decium pro Patria faceret. Ergo non Annibalis, vt olim dux in Italiam genius; vt vastitatem Italiæ videns, cætera fati permitteret, admonens: sed æquè pius, ac fortis animus Tuus, sibi pericula sumens, cætera Patriæ donans, concitato impetu in Tartaros fertur: primaque ex ijs ad Niemierouiam Plutoni victimas cum dedisset; eodem victoriæ cursu, nec respirans, nec fatiscens, ad Rudki, ad Komarno; & quocunq; instans prædatorijs agminibus Nemesis, Scythicum turbinem illum protrulerat, fortissimè cæcidit; permittente reliquis fato, vt quas gladius Tuus non hauserat, palustres animas vligo sorberet, & humentes Coeyto manubias daret. Non profuit Nuradino, effusus trans Tyram palpitantis fugæ receptus; dum vorticosi fluminis, raptu potius, quàm traiectu, secura Tauricanorum cubilium respira, inuadis romitru non ferendum. Disiecti fortissimâ virtute Tuâ Barbari, totâque acie fusi, stratis feedâ cadentium strage, latè patentibus campis, extremæ internecioni patuere. Obiectæ infelicibus reliquis syluæ, dum latibula vitæ putantur, mortis ineluctabiles angustias fecerunt.

runt. Ferarum Ponti tot millia, interiectis arboribus clausa, aut in
cynosas voragines compulsa, iuere in venabula agrestium; truces
animæ, talibus retiarijs datæ. Sacer ille lucus, Getarum infamibus ex-
palluit cupressis; Tibi in palmas, & cedros viruit immortales. Fru-
ctus victoriæ Tuæ maximus, dirupta tot captiuorum vincula; ere-
pta Tartaro præda, quiquaginta propè millium, innocentium capi-
tum numero censa; tot manus pro Te cælo supplices, tot ora in Pa-
negyres Tuas soluta, æterna virtutis Tuæ rostra, viua gloriæ tro-
phæa. Fasces, triumphus, Coronæ, decora omnia in Te congesta,
non exæquabunt vnquam meritum illud; quo Tu trifaucis Cerberi
in Taurica victor, tot illibatas animas, spurcitie Machometicæ haud
dubie pollundas, Deo, & Patriæ pretiosissimas manubias reddidi-
sti: triumphalium nominum magnificentiam omnem, & quidquid
victricibus laureis coronatum incessit, ob victoriam tuam sponte
fluentibus gaudijs, & tot millium gemitu in Pœana conuerso, longè
superans, vt iam non dubitem, primas illas liberas voces fuisse; quæ
apud Maiestatem illam, prima tibi vota, & suffragia dedere; cuius
inscrutabili arcano, Rex, eorum destinabaris, quorum vindex fuisti;
dignus liberi populi Imperio, dum ab eo vincula gentium tollis. Tre-
pidatum in castris Otthomanicis exinde, retroqueactus hostis; cum
Nuradinus, tantum famosi nominis propudium, cum paucissimis
Scytharum ægrè animam trahens, per latebras, & occulta saltuum,
nemorumque gladio Tuo ereptus, cænum adhuc, & vicinas Stygij
paludes olens, sordes infelicitis prælij execrantibus intulisset: Turca-
rum haud leuibus coniectamentis, quam res eorum fuissent in arduo;
si caligine illâ euolutum, Tecum arma, Tecum fida pectora, inte-
grum adhuc Patriæ robur sociasset. Sed eò nos rerum venisse tan-
dem serò aduertimus; quò se inclinari virtus Polona, haud vnquam
passa, obrui potius, quam erubescendis superesse elegerat semper;
morte quauis felicior, quam huiusmodi vitæ. Fatum Cameneci, iu-
gumque Podoliæ tantò dolentius; quòd exigua prohibentium curâ,
ac stupentibus vaginas suas gladijs, diuq; ambientibus cur hæsis-
sent, ceu per Arachnes telam inciderit. vbi calentibus opus erat animis,
intempestiuo tepore; qui apud posteros inexcusabilis frigebit. Pul-
cherrimis tamen operibus, misceri hæc, & interuenire necessum est;
vt humanas vices sentiant; vt à casibus suis eminentius surgant; vt
H iudicij

iudicij publici ophtalmiam tollant. Nec enim frustra nebulæ, cum sole matutino confligunt; nempe vt expectatam eius faciem serenus reuelent, & assiduitati vicissitudinis gratiam interponant. Redijt tandem rectè suadentibus oraculis fides, cortina veri locuta est salutem Patriæ, & iustas benè merentium laudes. agnita pericula, vniti animi, gratiæ Tibi, & coronæ decretæ; eoque verla omnia, vt cum virtute, & animi magnitudine cuncta vicisses, solus Tibi restaret triumphus.

Vertit ad eum, maximo Tibi theatro apparandum, nouas Byzantium curas; postquam apud nos mali vis intestina sedisset, quæ res maximas dilabi fecerat; dextras in Martem mutuo complexu iunctas, toruo Oriens intuitu excepit, haud frustra timendas ratus cum in sola armorum vi, tantum momenti positum esse, cæsi toties ad cladem vsq; Calusianam Scythæ docuissent. Insistendum operi, & rebus in tantum prouectis Imperij Otthomanici apex decernit. constantis famæ impulsu; quæ armari Poloniam, & vnire animos cum vulgaret; Turcas haud segnè continuandis nuperrimis successibus incumbere fecit. Necdum quidem gentium aliæ, finibus suis redditæ, puluerem nostrum excusserant; quas superioris anni expeditio, orbe toto contra nos exciuerat; verum placuit Otthomano, non numerum armare; sed Martem ipsum, Cretensi victoriâ clarum; cum Duce tanti operis, Tribunis, & legionarijs, exquisito delectu segregatis. ipsoque robore exercitus, tantò augustiori victoriæ Tuæ destinato. Colligit Asia vires, seligitq; bellatores; vt non vincas, nisi Heroicâ virtute Tuâ dignos; quando nec ludus quidem, orbem triumphaturo Macedoni, nisi cum Regibus sapit. Post tot fortia gesta, post tot Martis Tui Olympidas, victores Tibi vincendi debentur; vt inueniat, post Cretensia trophæa intolerabilis, & se ipsum non capiens, cui assurgat, Turcarum fastus. Tibi Vexillum istud, quod contra nos barbaro rictu Oriens pandit, adusq; Vaticana Capitolia, triumphalem gloriam Tuam expansurum protenditur: Tibi militares animæ, non leui brachio periturae, ex triariorum lectis capitibus armantur; vt non vulgares omninò victimæ, manu Tuâ concidant; quàm hîc iam ad sceptrâ initiari Deus voluit. Tibi Chocimenses campi, & illa ipsa castra; in quibus vniuersam cum Osmano Asiam, Polona virtus sustinuit, ad victoriam patent; vt
cùm

cum à Magno Patre, & Auo non distes meritis, nec etiam segregeris triumphis; vt ostendas, genium loci non mutare Thraces in Sarmatas; nec pati posse impios victores; vbi semel pro gloria Crucis triumphati sunt. Vrgebat fatalis excidij reos stimulus ille; qui noxia capita, tum maximè fodit, cum supra iugulum iectus. Considerè tempestiui, & munimentis suis crediti immortales; cumq; præoccupant locum, arenariam in eo suam anticipant nescij; maturis victoriæ fructibus, vltra vindemias seruati; nec ante casuri, quam expectassent, dignum tantâ expectatione triumphum. Tu quidem ô REX! sera videbaris, sed tantò vehementior hosti tempestas; non distinens Martem, sed fulmineâ continens nube, densatâ vi in hostes atrocius erupturum. Castra iam Tua crebrò milite feruent, ardentes animi spe victoriæ flagrant; Tu foies omnium maximus, iam aduolas, iam calentibus nouâ flammâ infunderis, iam omnia imples. Effudit in sinum tuum, æternæ memoriæ MICHAEL Rex, beatos illos spiritus; qui iam cælo viciniore, non humana spirabant; & cum exercitu recensito, fortunam Regni Tibi crederet, credidit & coronam; in personam Tuam vices suas, & arcanum Diuinum refundens; quod paludamento corporis breui deposito reuelauit. Effudit in Te, & os Regni augustum, Cellissimus Princeps ANDREAS OLSZOWSKI Procancellarius, & mox Primas Regni, Præsuleæ benedictionis fontem illum; à quo prouenere, dexterâ excelsi Tecum virtutem faciente, parti pro DEO, & Patria triumphi, quos in Te coronat. Trans Tyram ergo, quâ hosticum vicinior patet, Polonæ Tecum, & Littauæ acies non feruntur, sed volant. tumentes aquæ, & autumnali riguo præualidæ, non proficiunt contra audentiùs euntes, cum quibus spes victoriæ, tranat. Tenet Dacicam ripam, miles iam vado expeditus; infundit se agminibus lætis, & ouantibus. sed Tuus ad omnia cautus; non dormitat mentis oculus; suspecta illi in hostico, vel minima securitas. ordines per Te ad militarem disciplinam formati. cohibita castrensis licentia, meditamenta hostium præuenta, & obseruata. exploratorum continuæ ad indaginem vices. copiar vbiq; si hostilia ingruerent, prælio promptæ, paratæq; ab animi Tui magnitudine, omnium vis, anima, robur. Superasti hâc Optimi Imperatoris virtute, quidquid vel exotica tellus, vel alicuium à bello tempus, duri perplexique obiecerat: famosam cladibus nostris

nostris syluam, seruatis ordinibus, & præmunito validâ manu, ne colluctantes stratagemati hostium paterent, suspecto viarum anfractu, & lubrico, magnis itineribus emensus; hostem domi suæ, atque in illo larario hærentem, attonitumq; inuenisti.

Hic ego Regum Inuictissimè, infra magnitudinem tanti operis positus, primum me ex victis Tuis profiteor; intercepto eloquentiæ spiritu, quem rerum gestarum incomparabili gloriâ exhaustisti. concedens inter eos, qui Martem Tuam non exæquarunt; vno hoc tantum solamine, quod Maiestate tanti negotij opprimi dicentes, victoria nobissima portio sit. Quis enim Te ex mensura illa virtutis Tux loquetur, quâ ipsas etiam cogitationes excedis? Castris Turcarum Chotimicis, terror simul, & stupor; quod parte anni intempestâ, procul a Patria, in ipsa barbarorum, aut infidarum gentium sede, in ipso rerum naturæ, & spei lubrico; animo, & fiduciâ ingenti; castra illa, vasto ambitu, & opore in immensum producto, urbium maximarum æmula, aggredi in animum induxisses. Despectæ quidem primum hostibus vires tuæ; quas vel à sola aëris, & loci inclementia, breui absumendas haud frustra arbitrati; continere se intra latibula sua, & incruentam expectare victoriam decernunt. sed ubi Te agendo, non deliberando, ad summa omnia ferri patuit; ipsi etiam Otthomano gladij concrepuere. Ergo prima Tibireliciendi hostis cura; qui infortissimos tuorum velitatione incurrens, mox supercilium posuit; impar animo, cædiq; facilis, & ad irritamenta victoriæ pronus. Iam in eum crebra tormentorum fulmina detonuerant, prouocatione Martis, si aciem vellet; grando tamen hæc, cum ad eliciendum non proficeret; vt à Dacis defereretur profecit. Fortitudinem illi, & animi Tui magnitudinem admirati, defecere à perituris; sub quorum immani iugo gementes, nunquam non exitia optant. Opportuna hæc rei tormentariæ, deserta à Dacis statio; tum demum missilibus Tuis hostem vehementius adorta, fatigare non destitit; vt res Gradiuo dignas ageret, campisque infusus prælio decertaret. At ille munimentorum loricâ tutus; copiarum, & rerum affluentia fidens, oppugnatoribus, vt rebatur inaccessus; cum victoriam Tuam biduo moratur, decretoriam in crastino diem non effugit. Iam enim, Heroici spiritus impatiens, gerendorumq; momenta haud ampliùs differre statuens, obstinatos contra prælium

Turcas,

Turcas, in ergastulis suis, summâ virtute oppugnandos animo destina-
ras; adurgente opus, die Christianis ausibus digna; quæ Diuo Martino
Præsuli Turonensi, fortissimo olim militi sacra, inextinctam rebus
Mauortijs, & gloriæ Tuæ accenderat facem. Promicuerat agrè
ocellus ille dierum, cum Tu Heroum apex, & summitas, magni ani-
mi plenus, sub nube illa tormentorum, ingens negotium, auspicatus.
castrorum hostilium molem Coronâ cingi imperas; ipse sub ictu ho-
stili, vallo, hostiq; propinquas; mactandos breui admirandâ fiduciâ
spondes, calentissimo spiritu Tuo omnium animis accensis, inaccessa
hostium iam aggredieris, iam superas, iam vincis. Momento planè
res immensa, simul capta, simul perfecta; fulmine inuadentium per
abrupta quæque, per implicita, & gradum fallentia, per imposita ru-
pibus terrarum pondera, dicto citius perrumpente, iamq; castris ho-
stilibus illato: cum Tu Polonas hinc acies, inde Lithuanas Pacius, &
Radiuius, gemina Martis illius celsitudo, validissimis erumpentium
opponens; hos castris, vbi ex desperatione pugna atrocissima immit-
tens; illos ad Tyram ponte stratum; quâ confertissimos fuga egerat,
ne elaberentur obijciens; nullibi à pugnacissimis Tuorum diuisus,
vbiq; mortem, & pericula poscens, instares augustissimo operi, & to-
tus in delendo Otthomano esses. Exhorrescit animus ad eadem il-
lam, quâ miles Tuus iam castris, iam victis incubans, cruenta omnia
fecit. Hostis totus nil nisi vulnus, & sanguis, strages; & excidium. ca-
strorum magnitudo, apparatus, opulentia, nil nisi triste funus, dire-
ptio, & vâstitas. præcipitia Tyræ fatales Turcarum scopuli. amnis
ipse tabo, & sanguine decolor. Husseymus tanta illa victoriarum
pompâ, tantus subiugatæ Candix fragor, præcipiti fugâ abreptus, in-
famis tantæ cladi superfuit titulus. reliqui Duces promiscuè cæsi;
exercitus tam validus, tam selectus; ceû, quod non nemo Tyranno-
rum optauit, vnâ ceruicem haberet, vno velut ictu deletus, æter-
nitatis operum, inter miracula cessit. Consecuta victoriam captu
suo maior, & iusto excessu superfluens lætitia. prima Exercituum Do-
mino, triumphalia per Te decreta; mirâ rerum conuersione, Præto-
riano Husseymi tentorio, sacrum Poëana cecinere; adorante vniuer-
so exercitu, virtutem illam diuinitatis, quæ tecum fuerat; cum quò
Tu veneras animosissimus; quòd videras impavidus, De vs per Te
Vicerit, vt merita Tua coronaret. Dico hæc coram Te Rex, eorum

quæ fecisti, tam securus; quàm Tu non eges, vt aliter prodeant, quàm
fuere; minuendæ dictis gloriæ Tuæ certior, quàm augendæ. Victo-
ria hæc Tua, currus triumphales non ambit; magnitudinem suam,
simulachris victarum gentium non ostentat; fercula, pegmata, coro-
nas non præfert; effigiem Tuam in cella Iouis stare, nec vt Pompeia-
nam gemmis, variegari postulat; thura, flamines, victimas, libamina
Deo tribuit: illud tamen omni æuo, sine pompa, sine apparatu lo-
quetur; Turcas castris munitissimis, tantoq; exercitu cinctos; & ni-
hil minus sperantes, re apud Otthomanicam potentiam hætenus in-
auditâ perijisse. In quo, quantum Tibi Polonia, quantum Orbis Chri-
stianus debeat; Regum Tibi similium capacitas, & opus; reliquis ad-
miratio, & silentium, pro eloquentia est. Res ea certè per Christia-
nitatem vulgata, non rumor; sed amor, & delictum fuit. Tu in omni-
um ore, oculis, animis: Tu bellatorum gloria, æui nostri pretium,
gentis Maiestas, & splendor; Danubio fræna daturus, formidinem
Byzantio; si qui, Regiæ mortis interuentu, dilabi cæperant; expansis
ad maiora animis, augusta proposita Tua exæquassent.

Munimentum ergo, & Scutum Patriæ, occasu Augusti Capitis, ite-
rum reuelate factus; quanquam fatis Regalibus turbato exercitu,
copijs diminutis; Cameneci tamen, post cladem Chocimensem re-
bus trepidis instare, & compulsos in caueam suam Turcas, tenere in
arcto non desistis. Hûc curæ Tuæ conuersæ omnes; vt legionum
coronâ, è vicinis castellis interclusus hostis, spe omni subsidiorum ex-
cideret; prohibitisq; eruptionibus extremâ rerum angustiam conflicta-
tus; fata sua, & discrimen ineluctabile cogitaret. Actum id sum-
mâ Tuorum constantiâ, eoque ordine; quem Tu ex alto consilij, ex-
cubantibus ad id decreueras. Fugatus sub oculis Cameneci, retroq;
toties pulsus, rabidus fame, & sæua hieme hostis, nihil à Te omissum,
quò rabies eius, spebus in dies magis concidentibus efferata, fremi-
tu, & indignatione, in viscera sua sæuaret. donec Te Patria, ad Ele-
ctoralem campum, maximis Comitij poscens; Imperatorio munere
absolutum, Heroica gesta voluit, in Maiestatis opera commutare.
Quæ cum iam pro me, non verbis, sed gemmis, in augusto diadema-
te loquatur; indicit suadæ, soluit plectro silentia; vt qui Te.

Bellatorem hætenus, & Heroem Maximum dixi;

nunc Te canam A V G V S T V M.

A V G V -

AUGUSTORVM

Ab

ELECTIONE REGIA OPERVM,

PANEGYRIS II.



*V*tamus CLYPEOS iam nunc, REX Maxime Tecum,
Maiestate nouâ solij. nam quando stupenda
Gestorum series, non eluctabile dictis
Fecit opus; succedat ebur, quod concinet orbi
Te melos augustum. sempernefeuerior ibit

Marte Tuo genius? nec se testudine dulci
Tantus amor Lechia, saclorum tanta voluptas,
Inferet optato placidis concentibus auro?
Imus ad entheos raptus, Tecumq; calemus
Igne nouo; dum festa Tui luxere triumphi
Fulgura; Sarmatici iubar Augustale Trionis,
Dum Tibi Regnanti felix cortina reuelat.

Sarmata iam campo, quose vox libera pandit,
Inchoat orbatiperplexanegotiaRegni,
Sollicitus quâ parte throno succurrat, & orbis
Impleat arrecti censuram. nempe subiectu
Ponimur extremo toties; fastigia Regum
Sêu fato demptis trabeis, sêu morte relictis,
Orba gement quoties. ingens tum cura fatigat
Electoraless animas; tum sudat anhelu
Orbis in ambitu solij; suspensaq; rerum
Voluitur, & dubio librat se cardine moles.

Stat Lecbo mens una tamen, ne purpura cunis
Absoluat meritum Regni; nec sola potentis
Imperij lex sit, nascendi fascia Princeps.
Non natura thronum, sed mens, sed Regia virtus
Electis decernit; ubi Celsissimus extat
Libertatis apex. hinc prisca Senacula campo

Credidimus, cataq; damus suffragia teste
Libera ferratis nec claudi postibus ambit
Vota animi promens, dicendi iure potestas.
Sic Regem dici, trabeam sic posse mereri,
Hoc summa virtutis opus. lectissimus ergo
Purpureaq; toga, sellisq; curulibus ordo,
Flos patrie, tantaq; rei vis publica sedit
Principe sub mitra; quam Czartorijscius uno
Vertice fert geminam, Regum de sanguine natus,
Dux, Primasq; simul sed mens in corpore lapso,
Altior humanis, calo vicinior ibat,
Par augusto operi; magno quod cardine rerum,
Auspicijsq; sacris posuit feliciter orta.
Ardua mox tripodes, consultorumq; fatigant
Prima Virum capita; infert se tamen omnibus una
Cura throni maior; tanta sub cuspide fati,
Quo caruisse diu, non uno pondere labi,
Quin cecidisse fuit. iam Vaticana locuta est,
Cesarei iam vox solij, iam Gallica Suada,
Iam Neoburga suo pro Principe, iam Lotharinga,
Emula vis egit Sceptrorum, & gratia fandi.
Audimus pro Te sed REX Auguste perorat,
Cordibus humanis, diuinum flamen ab alto
Sanctius illapsum. non est mortale, quod intus
Te loquitur Regem populis idioma; nec urget
Vulgari stimulo praeordia libera pro Te.
Suada loqui cesset, satis est egisse triumphis.
Orbis idem, quod fama sapit; qua nescia vinci,
Iam Tibi decretos calo fert iudice fasces.
Ite triumphales pro magno Principe voces!
Tuq; Oriens, Tu saeva loqui non desine Ponto,
Atq; Bor. sthenicis tempestas orta procellis,
Victori fer Vota Tuo. Namq; hostibus ipsis,
Extorquet plausus meritos Heroica virtus.
Fervet in Augusto iam nomine, maxima campi
Libertas, Latumq; sonat REX viue IOANNES;

Quem

Quem prior elegit virtus, & gloria victrix,
 Publica quàm voto Lechia sententia Dixit.
 Quid moror? en acta est res augustissima votis
 Omnibus. & quamvis se libret plena voluntas
 Parturiens opus eximium; non illa negabit
 Litthauicos etiam sensus. Heroa fauete
 Pectora. funiculus triplex non rumpitur; in quo
 Luce Sacrà Triados, qui coepit, stabit in auum
 Consensus patriæ, cali spiramine dictus.
 At Tu quid trepidas! quid magnâ mente moraris
 Decretum Regale decus? si pondera libras?
 Iam norunt Atlanta suum. si fulmina cudit
 Mulciber Odrusius? iam Scuto Dacica tela
 Dissilière tuo. non est quod brachia tanti
 Roboris incuruet. Thrax ferreus. & Geta cogat
 Immanes animas, Tu cunctis celsior ibis.
 Si renuis? stat amor patriæ, qui vincat, & ipsum
 Victorem; innumeris maior victoria palmis,
 Sic tandem vinci. non iam Tibi, sed magè nostro
 Te concede bono. non est Tua causa, sed orbis
 Christiadùm res est, quæ maxima vertitur in Te.
 Hoc age, quod pietas, quod poscit publica de Te
 Spes, patriæq; salus. sed iam vox Regia salue!
 Quæ dum consentis, Casus Te promissis in omnes;
 Vosq; pares Regno, magni saluete Lacerti!
 Arctoum vobis securi imponimus orbem,
 Totq; Asia, Pontiq; minas. Tu Lechia festis
 Ignibus, Electo claros accende triumphos;
 Et quod fecisti, pleno splendore Corona
 Maiestatis opus. Iam REX Tuus induit ostrum,
 Murice Sydonio, non Lydia dextera quale
 Mollibus intexit ramentis; quale nec auro,
 Assyrius, Phrygiusue Color, discrimine fecit
 Gemmiferi roris. non hac conchyliis spirat
 Bellator genius; non est hac purpura Martis
 Aptæ sago. chalibem totus, ferratq; duri

Tegmina fert oneris; riget undiq; Martius illi
 Pugnatus habitus. sic Regem Lechia moris
 Nosce Tui; qualem bellacis Sarmata vite,
 Barbaricas acies inter, gentesq; requirit.
 Hecora non alio vidisses murice tinctum,
 Sanguineum quoties biberet Simoenta Pelagus;
 Arma cruentatis late fulgentia campis,
 Dum geminas urgent acies; Telamonius inde
 Argiuos enses; hinc Dardana Tela retorquet,
 Iliacis pugnans magnus pro moenibus Heros,
 Casside visendus Phrygia, totusq; Graduum
 Indutus, sanamq; ciens in vulnera mortem.
 Sic trabeam ferro, sic mutat fascibus enses,
 Coepaq; regnandi duris exordia castris,
 REX bellator habet. non ambiuisse coronam,
 Vel fulgur solij, vel languida desidis aula
 Otia, vel nimio distenta palatia Luxu
 Constet ut; Odrysijs accenso Marte periclis
 Fert caput augustum; non vana flamina pompa,
 Sed spatium meritis quarens, & Principe digna
 Gesta; Coronato plus vertice, posse mereri,
 Sudatamq; putans frontem diademate cingi
 Iustius; inq; paludati Thoracis amictu,
 Spectari Regum trabeas augustius omnes.
 Thracius interea grandi formidine Mauors,
 Collectas Asia vires, immaneq; vulnus
 Sauro corde ferens, Chocimi post dedecus, & post
 Dacica castrorum memoranda funera cladis;
 Tyssiphonem totam spirans furialibus armis
 Ibat, & ultoris gladij portenta minatus
 Hellepontiacis cum Casare gentibus Istrum,
 Vicinumq; Tyram, Ponto indignante premebat;
 Sarmaticis furor haud dubiis instare ruinis
 Creditus, & Martis Daco super aggere casi.
 Regius huc infertur apex celer, anxius, ardens,
 Electum Patria Scutum, spes tota Gradini,

Contra

Contra Otthomanas acies, ipse Hector, & Ajax;
 Tempestas Orientis atrox, quò fulmine tanto,
 Quò tanta rabie, & metuendo turbine vergat
 Centoculus vigilat. nunc Moschi fœdera Martis
 Solicitans, Volgamq; ciens; nunc classica tanto,
 Ingrueret si fortè malo, fulmenq; trisulcum
 Augusta virtute parans. sed tota Propontis
 Incubuit tandem, pœnas ultritibus armis
 Cosacico sceleri, pro quantâ strage datura!
 Hoc Nemesis poscebat opus; nam Limina Porta
 Seuæ Musulmana, toties qui perfidus olim
 Lambebat, sternaxq; diu, semperq; rebellis
 Cosacus heu sensit! quando fudere cruenti
 Ostia mille mali, totasq; voragine fati
 Absorpsere urbes. Humanio quanta tot annis
 Viribus, & numero, tumidisq; potentia rebus!
 Opportuna situ, loca feta palustribus undis,
 Qualia prærupta faciunt, fœdeq; Lacuna,
 Vndiq; inaccessa. Longæua rebellio seruis
 Addidit ingentes animos. huc ergò coactis
 Sedibus, & multo translatis agmine turmis
 Fatalem Caueam sibi tetra Licentia cudit,
 Vinditias Latura suas; quod iusta Poloni
 Sceptra throni spernens, scelus irrepabile pacta,
 Seruæ Machometico submisit colla Tyranno.
 Turca ferox huc robur agit, quo Longa trahebat
 Castrorum portenta, Getas, & Pontica monstra
 Huc cogens; nec opus tanto molimine dignum
 Credit in abiectis, concessurosq; potenti
 Imperio, cuius poscunt suffragia sperat.
 Sors aliò cecidit. stat contra Cosacus, & se
 Impavidus statuit gladijs, valloq; tueri,
 Naturâq; loci. iam Thracia sæpè repulsa est.
 Vis ingens, fususq; Getes; iam machina belli
 Torta diu frustra est. Thrax implacabilis ardet;
 Odrisijs caput imperij, noua castra, nouamq;

Urget in arma manum; vapidus nunc pace dolosa
Pugnaces animos, & Martia pectora tentat;
Mole cauernosae pyriâ nunc vellere terras
Aggreditur, totoq; agitât dispendia Marte
Ultima, fatalesq; rogos. tonitru cadit eheu
Subtus terrifico laceri pars maxima valli;
Corruit & grandi terrarum pondere mota,
Fulmineum dum mugit opus, miserabilis eheu
Cosacici sedes populi! patet undiq; sauis
Gentibus accessus; nubes se densa Getarum
Infundit miseris, & Thracia feruet Erinnyes.
Fit cades immensa, truces grassantur, & urgent
Excidium gladij: pereunt discrimine nullo
Heu infelices animae! cruor omnia inundat,
Flamma voraxq; rapit, Getico quod non cadit ense;
Reliquias audi prædarum hausere Geloni,
Plenaq; captiuis gemuerunt vincula Ponti.
Vindice sic cecidere Deo, qui sanguinis olim
Seruili bello tantum exhausere Poloni,
Excussosq; iugo, tantos inuere subiectus,
Aeternum facti bustum, cinis, atq; fauilla,
Horror, & Humani vix lamentabile nomen.
Tantâ clade satur, Thrax retrò fertur ad Istrum,
Amoniasq; acies, transdacia littora tollens,
Irrequieta minax vicini fulmina belli,
Spirat inexhaustis Asia, Pontiq; Cauernis.
Sed Tuus heu altum iudoluit, fortissime Regum
Roxolanis Mauors populis! tot robora, totq;
Bellaces animas, gladio sine vindice tolli,
Barbaricas sauire manus, tantumq; cruoris
Fundere Christiadum, tantas subuertere moles
Non pateris. cacoq; licet ruat impete plebes
Excidio lymphata suo; Tu corde paterno
Victuros cecidisse doles. mox ardua rerum,
Heroasq; animo curas Proponis, & urges,
Roxiaca dum castra moues in viscera terra.

Obstabat contrà rerum natura, grauq;
Autumni vergentis onus conamime cœptum
Torquebat Martem; rigor undiq; fortibus ausis
Incubat, & glacialis hÿems. Tibi Regius ardor,
Flammaq; propositi calet immortalis honesti,
Roxolani vindexq; soli, patria; salutis
Zelus, inextinctis facibus dum pectus adurget;
Præualuit; niuei cessere calentibus armis,
Hostiles pariter victi, brumaq; rigores.
Alpibus haud poterat, per tot prærupta niuosis
Punicus arceri gladius, dum fata propinquant
Italia, rerumq; domat, cum Martius Afer
Rupibus exesis naturam; saxea primum
Culmina Pyrenes, mox formidanda potentis
Imperij, Lybico vincens fastigia Marte.
Nempe triumphatas acies, casusq; Latinos,
Sanguine Cannensi mersos cum Consule fasces,
Tantaq; Romana dispendia non prius urbis
Bellator Lybicus fecit; quam rupibus altis
Natura fregisset opus. Mauortius in Te
Nec tantum validis potuisset spiritus armis;
Ni tempus contra, calumq;, elementaq; contrà
luisset victor. Bario sic laurea capto
Prima Tibi viruit medijs algoribus; à qua
Succedere dein tot fortia gesta, tot actus
Pectoris inuicti Regum molimine digni;
Non tenuere animos, Turce vexilla secuti,
Qui Prium tenuere Scythæ. cessere subacti
Marte Tuo, vicitq; operis constantia; donec
In Tua famosi res nominis ire trophæa,
Victricis frenumq; manus sentire coacta est.
Momentum inde tuis creuit successibus ingens,
Inclinans animos, & Roxica pectora frangens.
Vicina tremuere vrbes, latèq; Gradiui
Peruasit fortuna tui. Mohilowia supplex,
Magnanimi, fortisq; Viri commissa Rzeusci

*Ausibus Herculeis, mox oppida dedita Sceptra
Adiecit numerosa tuis. iuga Regia sentit
Kalnicum, portasq; Tibi Bractawia pandens,
Subdit adorato solio, sedemq; caputq;
Armorum; passimq; arces, castellaq; passim,
Quæue Tyras, vel quæ famosa Borysthenis unda
Alluit, imperij capiunt mandata Poloni.
Nutat & ipse mali Czehryno maximus author,
Turcarum fomes, belli fax impia Doros,
Affundi toties calamo spondente paratus
Regali trabeæ, maiestatisq; benignos
Implorans vultus; pacis sub imagine condit
Parricidale scelus, Turcas, Scythiamq; fatigans
In noua bella ciet. iam Nuradinus in armis,
Iam Geticæ volitant acies. Tu Principe dextrâ
Arma Scythis toties, & magnos obicis ausus;
Nec sinis Augustæ conuelli robora mentis,
Quidquid agat Scythicusue furor, vel mobile serui
Ingenium capitis. tumidos Pauotocia sensus,
Obluctata diu Radiuilli Principis armis
Induit; ut casu rueret grauiore, subiectus
Ipsa suos veniens, nuntium ceruice rebeli.
Moschica quod nequijt subnixa potentia, tanto
Milite, totq; operum sudatis molibus; ausus
Sarmatici perfecit opus, Mauortius ardor,
Auspitijsq; Tuis felix Radiuilla volucris.
Concidit heu! postquam gladij irrupere feroces,
Cosacus, atq; Scythes, mistumq; ignobile vulgus;
Tanta breui moles heu vastum facta cadauer,
Fraternog; Doros, meritas hic sanguine pœnas
Triste luit; dum plena tuis victoria rebus,
Palmaq; Victori verè Tibi Martia cessit.
Infremuit cordis rabies Czehryna dolosi,
Pontica vesano circumuolat ostia raptu,
Principis arma Scythæ, Byzantinoq; timores
Accelerans. urgebat enim non una scelestum*

Flammea

Flammea vis odij, dolor, indignatio, fraudq;
 Ira minax, iustusq; timor; spes tota Gelonum
 In gladijs. huc ergo tua pars maxima cura
 Incubuit, glacialis hyems dum soluitur, & se
 Vere nouo pandit, bellacis gloria campi;
 Ne Regale decus, labor immortalis, & inter
 Tanta opus exactum discrimina defluat, orbe
 Expectante rei seriem, feliciter acto
 Fine coronandam. nam Regia mens tibi suasit
 Cosacicis rebus perfectis, fœdera Moschus
 Si fors iunxisset, socio cum Marte propinquis
 Sedibus inferri; qua Dacia iungitur Istro,
 Ponteq; Turcarum valido, circumq; potiri
 Gentibus obiectis. quò res angustior inde
 Instaret clausis Cameneco, Thraxq; morari
 Interclusa diu vestigia bellica posset.
 Altos propositi sensus, sed plurima retrò
 Motibus egerunt varijs; vis ardua belli
 Hostibus in medijs ex hausto milite, per tot
 Naturæ, rerumq; vices, confecerat ipsa
 Robora militiæ; dum Prussas prima phalangas
 Res grauis afflixit; mox & lectissima Regni
 Agmina defluxere mali inclementia fortes
 Exagitans animas, non vno sauijct ictu,
 Cum premerent clades populos tot bella secuta.
 Mens angustata tamen supereminet omnibus, vno
 Principe sustentans, quidquid vel Marte labascit,
 Vel duris pressum titubat, vel sufficit aggre;
 Contra tot casus, contra seruilis latè
 Arma, dolosq; animi, formidatosq; Gelonos,
 Fisa Deo, nec mota loco, nec territa Marte
 Principis inuicti constantia restitit, altum
 Suspirans; tantis quod res suscepta periclis,
 Ingentes animos subsistere cogeret; ut se
 Sarmata bellator collectis viribus, acer
 In noua respirans armaret prælia rursum.

*Fluctibus Oceani sed quantula portio motis,
 Æolias hyemes inter, si forte tridentem
 Neptuni Palinure velis, Boreamq; quiesse.
 Magna Thetis Glaucum, Tritonamq; Cimothenq;
 Ludere, Delphinamq; undis, Phorcumq; quieti
 Haud longum patitur. subit irrequieta procelis
 Lucta, minas pelago, coniuratamq; reducens
 Ventorum rabiem; toto ruit impete calum
 Nubibus, iratoq; cadit spes naufraga Ponto.
 Bosphorus haud aliter Byzantia nubila differt,
 Arisonæ clangore tubæ; mora nulla cruentis
 Fluctibus à Ponto. concedit in arma Meotis
 Principis Odrysi iussu; densissima rursus
 Signa Getas cogunt. iam se campestribus atrox
 Barbaries effusa locis, in Roxica late
 Arua dedit, vernoq; ciet noua turbine monstra.
 Africa Scipiadas, posito discingere bello,
 Casareasq; acies renuit cum Marte Brytanno,
 Occiduo veniens bellator ab orbe morari:
 Post Erymantheos violentior hydra labores,
 Alcide noua monstra parit; Busiride Nylus,
 Nubigenisq; rubet Phloe. immortalia nunquam
 Mentibus augustis operum certamina desunt;
 Parturiente malo gladijs victoribus ansam,
 Et meriti palmare decus. nec maxima virtus
 Rex, in Te siluit modicæ concessa quieti.
 Sarmaticis rursus gladijs obiecta Meotis,
 Materiem bello laturis viribus, in Te
 Barbara signa mouet. sed pax prætenditur armis;
 Pax optata diu. populis, annisq; tot exul,
 Dulce quidem miseris, sed non durabile nomen.
 Prima Scythas hæc cura subit, componere bella.
 Fœderibus, tantumq; aliquando sistere Martem.
 Rem Geticus Princeps exorsus, vtrinq; Polonas
 Inter, & Odrysiæ gentes, optabile pacis
 Vrget opus. Tibi Dina salus, potiorq; triumphis*

Pax.

Pax, sed honesta placet: non reijcit almā quietis
Nomina, sed ne sint patria quasita ruina.
Arma igitur siluere, librat dum fœdus amicum,
Anxia per populos famæ expectatio tanta.
Iamq; per Heroas, quibus hæc commissa potestas,
Ardua res agitur. tumidus sed Turca ferocit,
Fortibus indignamq; viris decernere pacem,
Threicio fastu statuit, procul indole nostrâ,
Maiestate Tuâ procul, & virtute Polonâ;
Quæ gladios in bella acuit, ne dedecus Orbis
Sustineat; potiusq; sequi per vulnera tecum
Eligit impavidam mortem, quam viuere probro.
Imbraimum quamuis centenis millibus armet.

Thracius, & Scythicus miles; Tu viribus impar,
Rex animo summus, vinci formidine nulla
Te sinis; indignæ renuens opprobria pacis,
Dum tuus ingentes animos laturus in hostem,
Fralia deposcens, numerum non computat ensis.
Hic mihi Pelleus tecum bellator Achilles,
Aut Troadum pugnax tonitru Salaminus Heros,
Tarpeiasq; arces, Populi suprema Quirini
Fata triumphatis potuit qui sistere Gallis,
Ad decus immortale, pari virtute ferendum
Haud veniat. Diuina Tui constantia Scuti,
Non aliâs Patriæ, stetit impenetrabilis umbo,
Araq; mille ferens, peltataq; robora mille.
Acer in arma ruit, furijs immanibus hostis,
Corripiens ferro, quidquid vicinius obstat;
Terror, & excidium, momentò funditur ingens,
Versaturq; animo, facies tristissima rerum:
Regia pro cunctis Tu victima, flamine Martis
Plenus in exhausto, datus immortalibus actis,
Orbis in exemplum Princeps, ad mille pericla
Fers caput augustum. stupet Vrbs inuicta Leonis
Principe digna tegi, quod murus Abeneus illam,
Fortibus in summo discrimine cinxerit ausis;

Dùm nutant animi, pectus dùm palpitat omne,
 Vita, salus, & cor Patriæ, Rex omnia factus.
 Quid modicæ vires, tantillum robur in armis?
 Heroumq; manus, quæ tantis faucibus offa?
 Hanc tamen opponis Regum fortissime tecum,
 Glinianeis veniens, quæ frons hostilis ab aruis,
 Impete præualido seuissima prælia spondet.
 Iam Tibi Zbarazij clades, iam tanta cadentum,
 Fata dolēt, laceratq; animū immedicabile vulnus;
 Vindicijs ardes totus, succurrere totus
 Flammiger heū quoties optas! si sanguine fuso
 Threicias latè fas sit restringere flammæ;
 Purpureos latices Regalibus ire fluentis
 O quàm totus aues! sed continet Hecłora castris
 Vis immensa mali, longeq; hostilibus impar
 Nubibus armisonis miles. nam sedibus illum
 Partiri varijs placuit, quò viribus hostem
 Distraheret, Scythicisq; moras opponeret armis.
 Principis hoc egit, virtus Heroa Demetri,
 Prisca Coributhei Martis, quæ fulmina spirans,
 Dum munita locis Brodensibus arma tuetur,
 Sæpius in Geticas iuit metuenda Phalanges,
 In prædam effusos prohibens hæc parte Getonos.
 Inde truces animas, rapidis torrentibus actas,
 Excepit, pugnae animo Iabtonouius Heros
 Marte Palatino; cui submisere Getarum
 Myrmidones immane caput; confessaq; fortem
 Barbaries reiecta Virum, concessit ut illi
 Cederet insignis defenso palma Złoczowo.
 Nec minor armorum Bellona Potocia laude,
 Contra Threicias acies, virtutis auitæ
 Marmoreis exempla dedit sculpenda columnis,
 Fortis in excubijs, hostili prima sub ictu.
 At Tibi curarum belli suprema potestas,
 Exemplumq; sine exemplo constantis, & alti
 Pectoris, in summo rerum feruore cadentum;

Robore

Robore Spartano, positis non cedere castris,
 Extremo niti conatu; sanguine, vitâ
 Rem patriæ, Diuumq; Aras, & viscera Regni,
 Christiadumq; Orbem summâ virtute tueri,
 Rex ingens animi statuis. sed quantula tecum
 Portio militia, quantis obiecta periclis,
 Maoticos enses, & Thracia fulmina sistit!
 Illa dies, augusta dies, quàm conscia tecum
 Orbi gesta canet, cordato Principe digna!
 Cum super infusas acies, roburq; Gelonum
 Exciperes animis maribus, spectante Leonis
 Urbe. ferox ibat Nuradinusq; Getarum,
 Adzigeresq; manu delectâ concitus in Te,
 Camporum vicina tenens. Tu plenus in arcto
 Viribus immensis animi, cum Marte stupendo,
 In Scythicas nubes, quò saeuam turbo procellam
 Acrius urgebat, lecto cum milite castris
 Te procul effundens, inferri sapius ardes.
 Sed Geta prauvalidus quamuis, & robora belli
 Tanta ferens, augusta Tua certamina dextra
 Horruit ad primas acies; mox cedere campo,
 Prospectare fugam, confundere signa, metuq;
 Dilabi tandem; postquam Tu seria toto
 Prælia Marte petis. pro dedecus! impete caco
 Tota fugax acies, pulsus confusa Gelonis
 Occumbente die rapitur, luctatur, & hæret
 Limosis conclusa vadis; sed noctis opaco
 Impuras animas debet, quas Lechicus ensis
 Hausisset, campisq; cruor signasset apertis;
 Purpurea solium trabes, quàm mille coronis,
 Rex toties victor, meruisses antè Coronam.
 Imbraimi fastum res hac, & signa retorsit;
 Haud Tibi par animo, Getica post tanta videri
 Probra fuga potuit. nec Tu Litthuanicus ut se
 Mars Tibi coniunxit, tua longius arma moratus,
 Prælia anhelantem differs, stimulisq; tot actum

Herculeis animum. castris Te proripit ingens
Arдор, & Imbraimi quò se trux machina vertit,
Tu celer insequeris. iam Treboulana fatigat
Mania Thrax aries. modico se milite contrà
Parua manus, sed mille animos complexa tuetur.
Flammeus obsessor circumstat totus in armis
Excidium accelerans, operas feruentius urget;
Dum Tua BucZacio veniunt à limite castra,
Subtus agit moles pyrias, & cardine toto
Terrarum prærupta mouens, conamine tanto
Ingentes animas non commouet. omnia desint
Obsessis, elementa viris, alimentaq; vita
Tollantur; Lympha pariter cum sanguine guttas
Exaquent, tantilla anima tot millibus obstat:
Certa salus, & spes, Tua Rex fortissime virtus,
Odrysias iam ponè acies, totoq; propinquans
Armorum sonitu. quo iam perculsa Getarum
Ringitur, & nutat rabies. sauißima Blyton
Fulmina in obsessos, densatà grandine torquet;
Irrita sed toties Trhacum cecidèrè ruinis;
Milite cum Trebovla suo fidentiùs hostem
Sustinet, aduentusq; tui spiracula sentit;
Iam victrix animo, mediàq; voragine fati
Iam secura sui; postquam fulgentia latè
Signa Getes, Martemq; Tuum succedèrè campis,
Sapè cadens didicit. mox turbida castra pudendis
Agminibus, raptasq; mouet formidine turpi,
Strusouum versus turmas, & probra relictì
Aternùm memoranda operis. pulcherrima cedit
Palma Tuis, inuictus Ouat Mars ille pusillus;
Qui potuit tantas Orientis frangere vires,
Et superesse Tuis Princeps Auguste trophais,
Nomina digna cedris, & Regia munera dignus
Ferre, triumphalesq; animas inscribere fastis.
O si mens eadem, virtusq; immota fuisset,
Innocua vobis anima quoq; nunc cinis eheu!

Barbari-

Barbaricis heu fisa Dolis ! heu prodiga vite
 Pectora ! non tantâ cecidissent clade Podhayce.
 Fidimus heu infelices, inusq; t ranni
 Sub iuga Threycij ! sed qua fiducia sanis
 Proh dolor in manibus ! cades, cruor, ultima restant
 Busta fauillarum, tantò fidentibus hosti.
 Pugnares contra sequitur, carasq; Gradivo
 Aut laurus victrix, aut mors pulcherrima mentes.
 Victima sic cecidit Superis gratissima, quisquis
 Sic cecidit. felixq; cruor per vulnera fusus,
 Ultima qui potuit Patria restinguere fata.
 Hac diuina sitis, Tua Rex precordia coxit ;
 Ut fieres augusta Deo, Patriaq; salutis
 Hostia. sed Maiores ut Thracius, hydraq; Ponti,
 Subducens animos, & Dacica Littora spectans,
 Cessit in aduersam traiecto flumine ripam ;
 Eripuit trepidas acies Regalibus ausis,
 Plenaq; non uno rapuit vestigia probro ;
 Dum Tuus insequitur, castrisq; fugacibus instat,
 Transq; Tyram miles Byzantia terga, minasq;
 Imbraimi tristes, & dedecus urget ad Istrum,
 Indignante animis Turcâ ; quod Ponte relicto,
 Cesserit extremum tantis inglorius armis.
 Hac Tibi pro meritis Hecatombæ Regia surgit
 Argivis maior titulis, certamina pro Te
 Sacra ferens orbi, Regali condita Scuto ;
 Inquibus augustum, quod sacula longa fatiget
 Pondus inexhaustum Laudis, censumq; perennem
 Rex bellator habes. poscit Te purpura tandem,
 Sanguinis Odrysij non uno muricè tincta,
 Et thronus, ille sacer, quem tot meruere triumphi.
 Ad fasces iturus honos, sudoribus in Te
 Mille prius maduit ; circumfulsere seuerum
 Arma sagum ; trabeamq; prius fecere cruento
 Puluere noscendam ; quam Maiestatis in alto
 Imperij fulgetra daret. per tela, per enses,

Per tot contemptas mortes, per Laeva cadentis
 Fata spei, rursusq, animos post tristia sumptos,
 Per Laurus Geticas, Chocimi per grande theatrum,
 Calcatosq, Asia fastus, Rex totus Achilles,
 Martis amor totus, deuotaq, victima bello
 Iuisti ad Solium. quò Te iam fulgur anhelum
 Expectat. festiq, ignes, palmaq, virentes;
 Quò Te fusa diu populorum vota sequuntur.
 Tu Regem, indutus, Patria quoq, viscera Patris,
 Fac Tuus extendat flagrantibus undiq, curis
 Zelus in immensum, quò fecerat ante Coronam;
 Regaliq, Tuo, dum protegis omnia Scuto,
 Diuinum munimen habe; quo Pontus, & Ister,
 Bosphorus, & Tanais, quò Caspia Littora norint,
 Quàm sit Calitibus victrix Tua Purpura Cura.
 Sanguinis augusti per Te. Longissimus Ordo
 Surgat, & Imperio series victura Polono,
 Ut Regi. Liceat Reges meruisse Nepotes.
 Dumq, Coronatâ Victor regnabis in auge;
 Ad Regale decus, loricâ, trabeâq, Coruscum,
 Palleat Odr. sus fulgor. Tu Vince, Triumphâ,
 AVGVSTVS, Felix, hecatombe maxima Regum.





